

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9



C40-4514



大藏一覽第七卷

寄贈
大正十三年五月十五日
田健次郎氏

C40
4514
(133)

第六門

四衆品

寧德優婆塞陳 實謹編
秀水居士姚舜漁重緝

在家二衆優婆塞優婆夷 附八部
出家二衆比丘僧比丘尼 并外道
五十
八則

塵勞迫迍猶牢獄 法門寬廓若虛空

要集舉涅槃云在家迫迍猶如牢獄一切煩惱

B 64853

因之而生。出家寬廓猶如虛空。一切善法因之

增長。張字五函
第四卷

法苑舉婆沙云。於此家中。父母兄弟。妻子眷屬。車馬等物。唯增貪求。無有厭足。家是難滿。如海吞流。家是無足。如火焚薪。家是無息。覺觀相續。家是苦性。如冤詐親。家是障礙。能妨聖道。家是鬪亂。共相違諍。家是多瞋。呵責好醜。家是無常。雖久失壞。家是衆苦。馳求守護。家是顛倒。貪着假名。家是伎人。種種妄飾。家是變異。貪必離散。

家是假借。無有實事。家如眼夢。富貴則失。家如朝露。須臾變滅。家如蜜滴。其味甚少。家如棘藜。欲刺傷人。如是等患。不可具載。是故在家菩薩。當如是觀。知其家過。妻子眷屬。一切財物。不能作救。作歸。非我善友。宜當捨之。書字函
第二卷

一朝暫掛福田衣。多劫不經諸苦趣。

要集舉大緣經云。以一日夜出家故。二十劫不墮三惡道。出家偈曰。流轉三界中。恩愛不能脫。棄恩人無爲。真實報恩者。張字函
第四卷

四十二章經云。佛言。除髮爲沙門。受道法。去世資財。乞求取足。日中一食。樹下一宿。辭字函第七卷

要覽舉五德。福田經云。一者發心出家。懷佩道

故。二毀其形好。應法服故。三委棄身命。遵崇道

故。四永割親愛。無適莫故。五志求大乘。爲度人

故。三千威儀經云。家人所作務業。一者坐禪。二

者誦經。三者勸化衆事。若具足作三業者。是應

出家人法。若不行者。徒生徒死。唯有受罪之因

檀字函十七卷

若乃爲僧。若受戒。不事神天。不拜親

要覽舉梵網經云。出家人法。不合禮拜。國王父

母六親。亦不敬事鬼神。

又順正理論云。諸天神衆。不敢希求受五戒者

禮。如國君至尊。亦不求比丘禮拜。懼損福德。及

壽命故。帳字函第二卷

要覽云。父母返拜者。以其出世。而爲禮抑。又拜

其法。服戒體故也。本起經云。父王淨飯。禮佛足

者。又摩耶經云。佛母那長跪佛前。五體投地。而說

大藏一覽 卷一
三
偈言稽首頭面禮無上大法王。

能受出家并勸首 超於造塔與餘功

出家功德經云佛說自出家受人出家勸人出家所得功德勝布施等一切功德以諸功德中此功德爲上又云若放男女奴婢人民出家功德無量又如起七寶塔高至三十三天不如出家功德 甚字函

愛道出家初不聽 阿難再請乃方容

大愛道白佛我聞女人精進可得沙門四道願

得受佛法律佛言且止無樂

去聲

以女人入我法

中服我法衣者當盡壽命清淨潔已寃暢梵行

無邪念心空寂爲樂時大愛道卽復哀求願佛

見度如是至三佛不聽之退於門外淚出如雨

自悔惡態有八十四迷亂丈夫使失道德天下

男子無不爲女人所惑者佛知深諦故不度爾

阿難卽爲白佛我從佛聞女人精進可得沙門

四道今大愛道居家有信曉知無常自審欲態

深知已諦今欲出家願佛許之佛言止止所以

者何。必危清高之士。故譬如族姓之家生子。多
女少男者。當知其家欲微不盛。今使女人入我
法律。必令佛法清淨。梵行不得久住。佛言阿難
是大愛道。多有善意。於我有大恩。我生七日。母
亡育我。我今成佛。念彼恩重。假使女人作沙門
者。有八敬法。當盡形持。一者比丘持大戒。母人
比丘尼。當從受正法。不得輕慢調戲。故二者比
丘持大戒。半月以上。比丘尼當禮事之。無亂新
學之意。三者比丘。比丘尼。不得並居同止。四者

自相檢校。若有邪語受而不報。聞若不聞。見若
不見。五者自省過惡。不得高聲大語。現其欲彼
六者得問比丘經律之事。不得共說世間不急
之事。七者若犯法律。當於半月請眾懺悔。八者
比丘尼。雖百歲持大戒。當處新受大戒比丘下
坐。謙敬作禮。是八敬法。盡壽行之。聽爲沙門

吾佛正法千年久。尼母爲徒減半長。

又云。佛之正法。當任十歲。興盛流布。廣度一切。
今以女人爲沙門。故減五百歲。法稍衰微。所以

者何。女人有五處不得作沙門。何等五處。不得作佛。不得作轉輪王。不得作梵天王。不得作天帝釋。不得作魔王。如是五處。丈夫得作。復次女人。譬若毒蛇。人雖殺之。是蛇已死。復有人見心中驚怖。如此女人。雖作沙門。惡露故存。一切男子爲之回轉。令不得道。奉字二卷第一卷毗尼母經云。女人不出家者。佛之正法。應住千年。今減五百年。一百年中得堅固解脫。一百年中得堅固持戒。一百年中得堅固持戒。一百年中

得堅固多聞。一百年中得堅固布施。

初百歲中有解脫堅

固。備字二函法。第二卷。

女雖五礙知本空。佛記多生成正覺。

超日明經下云。有慧施等五百女。白佛。我今女身願發無上道意。欲轉女像。疾成正覺。度脫十方。時上度比丘。謂慧施曰。不可以女身得成佛道。所以者何。女有三事隔。五事礙。何謂三。少制父母。出嫁制夫。不得自由。長大難子。是爲三。何謂五礙。一曰。女人不得作天帝釋。所以者何。勇

猛少欲乃得爲男。雜惡多態。故爲女人。不得作
天帝釋。二曰不得作梵天。所以者何。奉清淨行。
無有垢汙。修四等心。若遵四禪。乃昇梵天。姪恣
無節。故爲女人。不得作梵天。三曰不得作魔天。
所以者何。十善具足。尊敬三寶。孝奉二親。乃得
魔天。輕慢不順。毀失正教。故爲女人。不得作魔
天。四曰不得作轉輪王。所以者何。行菩薩道。慈
愍群萌。乃得作輪王。無有淨行。故爲女人。不得
作聖帝。五曰不得作佛。所以者何。行菩薩心。愍

念一切。解無我人。乃得成佛。而着色欲。身口意
業。故爲女人。不得作佛。時慧施女報上。度曰。各
植諸本。用獲果實。本有男女。及報應耶。本有五
處釋梵輪王。小道大道乎。上度答曰。無也。上無
造者。何所成立。以是之故。吾取佛者。有何難乎。
取無所取。成無所成。覺無所覺。無取無捨。乃號
爲佛。亦無名號。假有字耳。佛言善哉。誠如所云。
一切無處隨行而成。不合不散。不興不衰。無見
無聞。無念無知。無言無說。乃成正覺。於時慧施

及五百女當如所願轉成男身。佛授彼決。却後十劫作佛。名慧見。如來世界曰除冥劫。曰光明。

罔字
函字

○本無女相如何轉。○豈是女流當是觀。

維摩詰經云。室中有一天女說法。舍利弗言。汝何不轉女身。天曰。我從十二年來。求女人相。了不可得。當何所轉。譬如幻師。化作幻女。若有人問。何以不轉女身。是人爲正問不。舍利弗言。不也。幻無定相。當何所轉。天曰。一切諸法亦復如

是。無有定相。云何乃問不轉女身。

竹字函

寶積經云。阿闍世王女名無畏德。與諸大聲聞辯論。皆不能及。爾時舍利弗白佛。此女奇哉。佛言。此女已於過去九十億佛發菩提心。舍利弗言。能轉女身不耶。佛言。汝見彼女。豈是女耶。汝今不應作如是見。何以故。以是菩薩發願力。故示現女身。爲度衆生。於是無畏德。作是誓言。若一切法。非男非女。令我今者。現丈夫身。說此語已。卽滅女身。現丈夫身。佛爲授記。復過七千阿

僧祇得成正覺。號曰離垢。如垢如來。世界名曰

炎明。

制字函
第九卷

○不知佛性男成女。○識得家珍女即男。

涅槃經云。善男子。善女人等。聽是大涅槃經。常應訶責女人之相。求於男子。何以故。是大乘經典。有丈夫相。所謂佛性。若人不知是佛性者。則無男相。所以者何。以是男子。不能自知有佛性。故。我說是等名爲女人。若有女人。能知自身定有佛性。我說是等。卽爲男子。

通字函
第九卷

沙門故以道爲號。長老良由德乃稱。

要覽舉寶積云。沙門者寂滅故。調伏故。受教故。身淨故。如實義故。得解脫故。離世八法故。堅心不動如地故。護彼我意故。於諸形相無染着。如空中動手無所礙故。成就多法。故名沙門。又婆耆尊者偈曰。若能反本源。乃名曰沙門。梵語比丘。秦言乞士。謂上於諸佛乞法。資益慧命。下於施主乞食。資益色身。涅槃云。能破煩惱。故名比丘。梵語苾芻。乃西天之草名。能具五德。一體性。

柔軟。喻出家人能折伏身語麤獷故。二引蔓旁布。喻出家人傳法度人連延不絕故。三馨香遠聞。喻出家人戒德芬馥故。四能療疼痛。喻出家人斷煩惱毒故。五不背日光。喻出家人常向佛日故。梵語具云。僧伽。唐言衆。今畧稱僧。以和合故。有其六義。一戒和同修。二見和同解。三身和同住。四利和同均。五口和無諍。六意和同悅。以和爲上。亦云和上。梵語闍梨。唐言軌範。大莊嚴經云。長者不在髮白面皺。所貴能修。

福德。滅去衆惡。淨修梵行。是名長老。看字函第一卷

念他粒飯非容易。 村已無功作麼當。

要覽引教云。佛弟子受食時。先存五觀。去聲 端想。

自警。然後方食。一計工多少。量彼來處。智度云。植收糶春磨洶汰炊煮及成用工甚多。一鉢之飯。作夫流汗。食少汗多。僧祇律云。施主減其妻

子之。分求。 二村已德行。全缺應供。毗尼母云。若

禮故施。 三防心離過。食營三寶事。及不持戒受人信施。三防心離過。食

爲施所墮。缺則不宜。全則可也。三防心離過。食

等爲宗。明了論疏云。出家先須防心中味。起於

以此不知慚愧墮三惡道。 四正事良藥。爲療形枯。形枯者。卽

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

病四百四病為客病故須以食為醫五為成道
藥用扶持之若食粥可云不正良藥
業應受此食不食成病道業何從增一偈云多
食致若患少食氣力衰處中而食
者如秤○飲食時非時聽不聽已致
無高下○入第三卷十善品可參照

有德萬金何足道 不求四事自然隨

永嘉云不思議解脫力妙用恒汝也無極四事
供養敢辭勞萬兩黃金亦消得粉骨碎身未足
酬一句了然超百億○宗鏡云若學大乘佛法
者受施主搏食如須彌山受施主衣可敷大地
如不學者若未墮僧數十方無唾地處駕字函
第四卷

○苟若度人身未度○不獨沉他和我沉

智度云行者先求自度然後度人若未能自度
而欲度人者如不知浮人欲救於溺相與俱沒

○休求師者長中短○但取泥龍假上真

又云汝於法師莫念其短常生敬畏法師好惡
非是我事我所求者唯欲聞法以自利益如泥
像木像無實功德因發佛想故得無量福德立字
函第

卷九

古德云供養泥龍必有真龍降雨供養凡僧必

有真僧降福

○比丘聽與二親供○分衛宜知五處遮
五分律云。陵伽婆蹉比丘。父母貧窮。欲以衣物
供養。而不敢也。以是白佛。佛告諸比丘。若人百
年之中。右肩擔父。左肩擔母。於上大小便利。極
世珍奇。衣服供養。猶不能報須臾之恩。從今聽
諸比丘。盡心盡壽。供養父母。若不供養。得重罪。
上字附
第十卷
要覽舉善見律云。分衛此云乞食。○僧祇云。乞

食分施。僧尼衛護。令修道業。故云分衛。○根本
毗奈耶云。佛說比丘乞食。但遮五處。一。唱令家
二。姪女家。三。酤酒家。四。旃茶羅家。五。王家。

○多事苦求無厭足。○諸禽因以亦相離。

僧祇律云。佛告營事比丘。汝莫復爲房舍。惱亂
世人。錢財難得。布施亦難。過去世時。有跋處比
丘。止住林中。時有釋軍多鳥。亦集此林。晨夕鳴
亂。惱彼比丘。不得入定。佛告比丘。欲令此鳥不
來耶。荅言。願爾。佛告比丘。汝於日暮。衆鳥歸時。

各乞一毛。晨朝去時。亦如是乞。比丘依教。早晚就乞。各惠一毛。爾時衆鳥。作是念言。今此沙門。常乞。恐我等不义。毛衣都盡。不能復飛。當如之何。卽別求棲。佛告比丘。鳥獸尚惡多求。况復世人。汝等比丘。莫爲勞事。多欲多求。令彼信心居士。苦捨財物。優字函 第六卷

○僧癡俗恠俱無識。○生惱成寃自取殃。

法苑舉大集云。有盲龍女。而白佛言。我於因地。曾作農夫。有一比丘。來從我乞。求五十錢。我時

報言。聽待穀熟。當與汝食。比丘復言。願乞十文。我於爾時。瞋彼比丘。乃至十文。亦不相與。時彼比丘。心生懊惱。然我後時。因往寺林。盜取十菴羅果食之。彼業因緣。地獄受苦。惡業未盡。作餓龍身。常爲諸虫。食噉膿血。苦惱。又彼比丘。以瞋忿心。惡業緣故。作小毒龍。生我腋下。啖於我血。不可堪忍。投佛解脫。佛爲說法。小龍卽出。同白佛言。久近脫此。佛告龍言。此業大重。次五無間。何以故。若四方常住僧物。或現前僧物。篤信施

物或華果樹園。飲食湯藥。牀蓐敷具。一切所須。私自費用。持乞親知。此罪重於阿鼻果報。

漆字函第

上六卷

○無欲分上。恚瞋風。○清冷雲中霹靂火。

遺教經云。白衣受欲。非行道入。無法自制。瞋猶可恕。出家行道。無欲之人。而懷瞋恚。甚不可也。譬如清冷雲中。而霹靂起火。非所應也。

堂字函

○持戒辛菜。尤成厭。○在道邪偷。豈可為。

附不

拾遺等

楞嚴經云。是諸眾生。求三摩提。當斷五辛。

謂葱蒜薑蒜

熟食。發姪生。啖增恚。是食辛人。縱能宣說十

二部經。十方天仙。嫌其臭穢。咸皆遠離。福德日

銷。魔為眷屬。○復告阿難。汝修三昧。本出塵勞。

姪心不除。塵不可出。縱有禪智。必落魔道。上品

魔王。中品魔民。下品魔女。此是先佛第一決定

明誨。若不斷姪。修禪定者。如蒸砂石。欲其成飯。

經百千劫。終不能得。復次殺心不除。塵不可出。

縱有禪智。必落神道。上品為大力鬼。中品飛行

夜叉下品地行羅刹。是佛第二決定明誨。若不
斷殺修禪定者。譬如有人。自塞其耳。高聲大叫。
求人。不聞。復次偷心不除。塵不可出。縱有禪智。
必落邪道。上品精靈。中品妖魅。下品邪人。是佛
第三決定明誨。若不斷偷。修禪定者。譬如有人。
水灌漏卮。欲求其滿。終無平復。阿難。如是衆生。
雖則身心無殺盜淫。三行已圓。若大妄語。未得
謂得。未證謂證。言我已得。聲聞菩薩。求彼禮懺。
貪其供養。佛記是人。永殞善根。沉三苦海。我滅

度後。勅菩薩等。應身末世度諸輪轉。或作沙門。
白衣居士。人王宰官。姪女寡婦。姦偷屠販。與其
同事。稱讚佛乘。令其身心。入三摩地。終不自言。
我真菩薩。真阿羅漢。泄佛密因。唯除命終。陰有
遺付。是佛第四決定明誨。若不斷大妄語者。如
刻人糞爲梅檀形。欲求香氣。無有是處。染字。第六卷
如金剛經云。如來是真語者。實語者。如語者。不
誑語者。不異語者。

如楞嚴經云。比丘不蹋生草。况以手拔。云何大

悲取諸衆生血肉充食

如正法念處經云若見道邊遺落之物唱是誰者若有人言此是我物問其相實乃還若無人認七日持行唱之又無王認懸高顯處令人見之若言他物問何處失相應者與終無識者停至三月若塔園中得即作塔用僧園中得四方

僧用檀字十四

如戒品經云菩薩當淨法與人况起人姪後四則對

若前之妄殺盜經也

○眠狂入定遭行染○初中後樂罪何逃

摩訶僧祇律云若比丘尼共三種姪人與非人畜生復有三種若覺若眠若死皆波羅夷罪比丘尼若眠若心狂若入定有人就上行姪比丘尼覺若初中後受樂者波羅夷罪若眠狂入定被姪覺已初不受樂中後樂者若初中不樂於後樂者皆波羅夷若初中後俱不受樂無罪云何受樂不受樂者譬如人飢得種種美食彼以食為樂受欲樂者亦復如是不受樂者譬如好淨

之人以種種尸繫其頸上不受樂者亦復如是

攝字函
第六卷

狂病行欲那爲犯 散亂無心亦復然

五分律云有一比丘狂病行姪狂差生疑問佛
佛言狂者不犯若散亂心病壞心亦如是

和字
函第

卷八

常住護持猶眼目 衷私輒取失人身

要集問云何故盜用僧物罪偏重耶答曰施主
本捨一毫一粒擬供十方鼓鐘一響遐邇同聞

聖凡受用俱成道業冥資施主得益無邊招善
旣多獲罪寧少今見愚癡衆生苟貪福物將用
資身或食噉僧食或受用花菓或以僧畜乘騎
或將僧奴隨逐或私借貸僧物不還或以官勢
伺求僧過如是等損具列難盡靜思此咎豈不
痛心令護不與者非是慳惜不惠蓋愍白衣慮
受來苦若將與者非直損俗亦及知事未來生
處同受其殃

又舉寶印經云佛法二物不得互用由無與佛

法物作主。復無可諮。白。不同僧物。常住招提。互有所諮。若用僧物。修治佛塔者。依法取僧和合得用。不和合者。勸俗人修。若佛塔有物。乃至一錢已上。以施主重心故捨。諸天及人於此物中。應生佛想塔想。乃至風吹爛壞。不得貧實供養。以如來塔物。無人作價也。

罪福決疑經云。或施主本擬作釋迦。改作彌陀。本作大品。改充涅槃。本作僧房。改供僧食。本施二衆。改入一衆。本擬十方。回入現前。皆違反施。

主許錢多少。滿五成重。減五得蘭。故四分律云。許此處。乃與彼處皆犯罪也。准此文檢校。佛像有餘彩色。不得作菩薩聖僧等形。以師徒位別。故不得互用。乃可作餘莊嚴具。還將供養佛不犯。若施主情通。一鋪佛像。任意莊嚴。道作無罪。五百問事律云。用佛彩色。作鳥獸形得罪。除在佛前供養不犯。問曰。今時齊上有佛錢。未審此錢入何等用。答曰。若施主本心造像。只得造像。不得別用。

楹字函
十四卷

莊椿云。盜常任一文錢。一日一夜長三分七釐

利。第二日夜利上又長利。同前三分七釐來世作牛

馬償之。牛日還入文馬日還七文所以云。作一生之容易。爲

萬劫之艱難。若捨一文錢入常住。一日一夜長

福亦爾。第九篇

○莫謂僧財欺可取。○須知閻老不相饒

法苑舉十誦律云。官吏工匠惡賊。於僧有損益者。佛開知事。出僧物看待。並得無犯。此非俗人

合消。但開知事不看待者。於佛僧有損。壁字函第二卷

僧祇律云。若比丘知僧物。有應與。不應與。云何

應與。若損者。若益者。云何損者。有賊來寺索種

種食。若不與之。則起燒劫。雖不應與。畏作損事。

隨多少與。云何益者。若治衆僧房等。泥木畫工。

應與。前食後食。非時漿等。若勢力者。應與飲食。

是名益者。應與。優字函第三卷 ○此二段節畧

○僧離能合生天樂。○僧合令離。陷獄憂

五分律云。調達作是念言。我既不能害佛。唯當

破其和合。僧耳。佛語調達。若僧已破。能和合者。

其人生天。一劫度樂。若僧和合而破之者。墮地獄中。一切受苦。甲字函 第二卷

○護僧不許加刑譴。○治者從而獲罪殃。

要集舉十輪經云。佛言若諸比丘依佛法出家。一切天人阿修羅等。皆應供養。若護持戒。不應適罰閉繫。別其手足。乃至奪命。若有破戒比丘。爲諸煩惱結使所壞。猶能開示天龍人非人等。無量功德。珍寶伏藏。是以依我出家。若持戒。若破戒。我悉不聽。輪王大臣。謫罰繫閉。加諸鞭杖。

乃至斷命。况復餘輕犯小威儀。破戒比丘。雖犯禁戒。其戒勢力。猶能利益無量天人。譬如燒香。香體雖壞。熏他令香。破戒比丘。亦復如是。自墮惡道。能令衆生。增長善根。以是因緣。一切白衣。皆當守護。尊重供養。不應輕蔑。謫罰奪命。佛說偈言。薈蔔華雖萎。勝於諸餘華。破戒諸比丘。猶勝諸外道。又舉薩遮尼健經云。若破塔寺。若取佛物。若有沙門持戒破戒。或繫閉打。或令還俗。或斷其命。若犯如是根本重罪。決墮地獄。受無

間苦。以王國土行此不善。諸仙聖人。出國而去。大力諸神。不護其國。大臣諍競。水旱不調。劫賊縱橫。人民饑餓。疫癘疾病。死亡無數。不知自作而怨諸天。帳字函第二卷

○爲僧雖聽二親許。○作母曾違累世貧五分律云。淨飯王聞佛已度羅睺羅出家。便大懊惱。白佛言。佛昔出家。上有難隨。不能令我如今懊惱。難陀已復出家。餘情所寄。唯在此子。今復出家。家國大計。永爲斷絕。情何可忍。王又推

已而白佛言。子孫之愛。徹過骨髓。何諸比丘。誘以爲道。願佛從今勅諸比丘。父母不聽。不得出家。佛爲王說種種妙法。示教喜利。仍戒比丘。從今父母不聽。不得度。上字函第七卷

老女人經云。時有貧窮老女人。問佛生老病死因緣。聞之開解。阿難白佛。是老女人。何以智慧。乃爾。佛答。是我前世發意學道時母也。阿難問。是母何貧。乃爾。佛言。拘留留秦佛時。我欲作沙門。是母慈愛。不聽我去。我愁一日不食。由是五百

世貧。今者壽盡。當生彌陀佛國。後六十八億劫。當作佛號波健國名化華。毀字函

○捨后爲尼由證果○障爺在俗罰爲烏

舉雜寶藏經云。昔優旃羨王有一夫人。名曰有相。王甚愛敬。國法王者不自彈琴。爾時夫人侍於王寵。遣王彈琴。自起爲舞。王素善相。觀其夫人死相已現。不過七日。王卽撫琴長歎。夫人求問。王不肯答。殷勤不已。王以實告夫人。憂懼卽自王言。我聞石室比丘尼說。若能信心出家一

日必得生天。願王聽許。王愛情重。言至六日。當聽汝去。至六日已。語夫人曰。若得生天。必來見我。我乃聽去。作是誓已。便得出家。受八戒齋。其日命終。乘是善緣。得生天上。故來見王。王問何天答云。王婦王命就坐。天答觀王臭穢。叵近。但以先誓。故來一見。王卽歎言。彼本我婦。出家一日。便得生天。神志高遠。而見鄙賤。我今何故。而不出家。我曾聞說。天一瓜甲。直闔浮地。我此一國。何足可貪。捨位與子。出家修道。得羅漢果。帳

函第
四卷

付法藏經云。闇夜多尊者。將諸弟子詣德义尸
羅城。憐然不悅。次見一烏欣然微笑。弟子問之。
尊者答之曰。我初至城。見一鬼子稱母入城。爲
我求食。經五百歲。尚自未出。飢虛不濟。若見我
母。願語早來。果見彼母。直說子意。母言入城七
反成壞。未嘗得人一唾。今遇少唾。欲得出城。共
子分食。城門多有大力鬼神。畏不敢出。我卽將
他同出。見子先食。我聞鬼言。受苦長遠。是以慘

然時彼烏者。過去劫中。我欲出家。父母不聽。強
爲聘妻。得子已年六歲。我復欲去。父母教兒抱
住我腳。啼哭而言。父若捨我。依誰養活。先當殺
兒。然後可去。由彼兒故。不得出家。從是九十一
劫。流轉五道。未曾得見。今以道眼觀見彼烏。乃
是前子。愍其愚癡。久處生死。是以微笑。若復障
人出家。罪報惡道。後生人中。生盲無目。是故智
者見人出家。方便成就。勿作留難。

帳字函
第四卷

兒孫反謗吾家法。此輩無慚真闍提。

涅槃經云純陀問佛一闍提者其義云何佛言
比丘比丘尼優婆塞優婆夷發麤惡言誹謗正
法心無慚愧如是等人名爲趣向一闍提道

通字

函第
十卷

出家雖勝在家者 在家修勝出家兒

優婆塞戒經云在家之人發菩提心勝於一切
辟支佛果出家之人發菩提心此不爲難何以
故在家之人多惡因緣所纏繞故發菩提心諸
天皆大驚喜作如是言我今已得人天之師

函第
一卷

身披緇服心猶俗 頭帶烏巾念乃僧

法蘊足論云一有一類補特伽羅正信出家身
叅法侶心猶顧戀所愛諸欲是名身出家心不
出家二有一類補特伽羅雖畜妻子受用上妙
衣食珍寶而於諸欲不生耽染是名身在家而
心出家三有一類補特伽羅正信出家身叅法
侶於諸欲境心無顧戀是名身心俱能出家四
有一類補特伽羅畜養妻子上妙受用深生耽

染。是名身心俱不出家。

白字函第六卷

白佛出家何得果。令渠斷結自成功。

維阿含經云。釋摩男白佛。如佛所說。優婆塞義。在家白衣。具丈夫志。歸命三寶。自言我是優婆塞者。云何而得須陀洹果。乃至阿那含耶。佛言。斷除身見。戒盜及疑網等三結。已成須陀洹。更不復受三塗之身。於無上道。生決定信。人天七返。盡諸苦際。入於涅槃。又問云。何而得斯陀含果。佛言。斷三結。已薄淫怒癡。名斯陀含。又問云。

何而得阿那含果。佛言。若斷三結。及五下分。成阿那含。時釋摩男等五百人。聞斯法已。而白佛言。諸在家者。獲此勝利。一切咸應作優婆塞。淵字

函第六卷

○但發修行正果心。○便是出家苾芻性。

無垢稱經云。諸童子言。我聞佛說。父母不聽。不得出家。無垢稱言。汝等童子。但發無上正等覺心。勤修正行。是卽出家。是卽受具。成苾芻性。白字

函第二卷

大藏一覽

卷七

三

○菩提苟易紅塵證○如來應不雪山修

長慶注楞嚴云。在家菩薩。又不得錯會經旨。將謂不勞諸佛戒法。但悟無功用道也。且看如來爲太子時。須往雪山修行。身心寂靜。方得悟道。若是在家。作得佛者。如來終不雪山去也。所以如來爲汝衆生起箇樣子。今人若摠似無垢稱龐居士。則不勞出家。其或未然也。須轉身始得。

第四卷

○由作二因善不善○乃爲八部人非人

舍利弗問經云。八部鬼神。以何因緣生於惡道。而常聞正法。佛言。以二種業。一以惡。故生於惡道。二以善。故受於快樂。又問善惡二異。可得同耶。佛言。亦可得耳。○天神者。先以車輦舍宅飲食。供養三寶父母賢聖之人。猶懷慳嫉。故○虛空龍神者。修德行檀。不依正念。急性好瞋。故○夜叉神者。好大布施。或先損害。後加饒益。隨功勝負。故在天上空中地下。○乾闥婆者。好施。有瞋。獻伎樂。故○阿修羅神者。志強喜施。不隨善。

友所作淨福好逐幻偽。作諸邪福故。○迦婁羅神者。先修大捨高心。凌物故。○緊那羅神者。昔好勸人。發菩提心。未正其志。遂諸邪行故。○摩睺羅伽神者。布施護法。性好瞋恚故。如是皆由依附邪師。以邪亂正。俱謂是道。以自建立。受函八卷
○外道妄立。從茲始。○調達仇。酬自爾端。
央掘魔羅經云。佛告文殊。世間建立外道。因緣。往劫有佛。名拘孫陀。跋陀羅出世。無外道名。唯一大乘法。欲滅時。有一比丘。名曰佛慧。時。有善

人施無價衣。獵師見之。生劫盜心。夜將比丘至深山中。壞身裸形。懸手繫樹。有採花婆羅門見。彼比丘。先着袈裟。而今裸形。必知袈裟非解脫因。自懸苦行。是真學道。彼人卽捨衣。拔髮作裸形。沙門從爾而起。爾時比丘。自得解縛。卽取樹皮。赤石塗染。以自鄣蔽。結草作拂。用拂蚊垂。又有婆羅門見已。念言。是比丘。捨先好衣。着如是衣。捉如是拂。當知是解脫道。卽學彼法出家。婆羅門從是而起。時彼比丘。暮入水浴。因洗頭瘡。

卽取水衣以覆瘡上。取牧牛人所棄弊衣以覆其身。時有樵者見已。念言是比丘。先着袈裟而今悉捨。必知袈裟非解脫因。被髮弊衣。日夜三浴。修習苦行。當知是解脫道。卽學彼法苦行。婆羅門從是而起。比丘浴已。身體多瘡。蠅蜂啖食。卽以白灰處處塗瘡。水衣覆身。時有見者。謂言是道。卽學彼法。灰塗。婆羅門從是而起。時彼比丘。然火炙瘡。瘡轉苦痛不能堪忍。投崖自害。時有見者。作是念言。是比丘先着好衣。今乃如是。

當知然火投崖。是解脫道。投崖事。火從是而起。如是九十六種。皆因是比丘種種形類起。諸妄想。各自生見。猶如鹿渴於炎水。想追逐。逐之。死。正

量字函
第四卷

法滅時。因彼比丘。非法法想。可復如是。量字函
第四卷宗鏡云。外道派。出枝流。至佛出時。有六大師。謂富蘭那。迦葉。姓也。計不生不滅。末伽梨。拘賒梨。子。計衆生苦樂。無有因緣。自然而爾。刪闍夜毗。羅。胝子。計衆生時熟。得道八萬劫。苦盡自解脫。阿耆多翅舍欽婆羅。麤衣也。計罪報之苦。以投

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

崖拔髮代之。迦羅鳩馱。迦旃延。計亦有亦無。憍
 隨苦提子。計業所作定不可改。犢子計色是我
 離色有我色中有我。我中有色。合二十身見。駕
 離色有我色中有我。我中有色。合二十身見。駕
 告善財言。閻浮提內九十六衆。各起異見。而生
 執着。我悉於中。方便調任。令其捨離。所有諸見
 乃至普及十世方界。悉亦如是。首字面第七卷
 經律異相云。諸比丘。啟佛調達。有何重嫌。懷結
 乃爾。佛云。不但今生。世世如是。往世有梵志女。

端正姝妙。諸梵志法。凡欲處女與明經者。請詣
 同學。五百之衆。供養三月。察其所知。時五百中
 一人。博達而年朽耄。面醜眼青。父母憂愁。女亦
 懷惱。於時遠方有一梵志。少俊姝好。聞彼欲處
 於女。尋往難問。五百梵志。皆窮無詞。父母與女
 喜納爲婿。年尊梵志曰。傷我年高。勿奪其婦。但
 我所得施遺之物。悉回與卿。年少答曰。不可。越
 法以從人情。我應納之。其年老者心懷毒惡。卽
 相毀辱。世世所在。與卿作冤。佛告諸比丘。爾時

老梵志。今調達是。少梵志。我是。女瞿夷是。○又云。昔有比丘調達。聰明廣學。十二年中。坐禪入定。復意轉退。漸生惡念。着世利養。至世尊所。禮足白言。願說神足之道。佛告神足。且置。何不學四非常義。調達次往舍利弗。及目連。所求神足道。亦皆語曰。止。始行之人。先學四非常。復修四禪。乃得神足道耳。調達怒。不見教。問弟阿難。乃與說之。調達聞已。專心一意。以麤入微。復從微起。還至於麤。以心舉身。以身舉心。身心俱合。

漸漸離地。初如胡麻。轉如胡桃。漸漸離地際。從地至床。從床至屋。從屋至空。在虛空中。作十八變化。日給五百釜食。時諸比丘。以此白佛。佛答。汝等勿貪調達供養。調達自陷。亦陷他人。二俱墮罪。如芭蕉樹。愚人求實。不能剋獲。舍字函第一卷
○調達害佛而反傷。○暴志加佛而自敗。

舉法句經云。調達與阿闍世王。共議毀佛。卽勅國人不得奉佛。調達白王。明日請佛入城。飲五

百象醉。令蹋殺之。吾當作佛。教化世間。王往請佛。佛知其謀。答言大善。明日食時。佛領衆入城。是時醉象。搪挾牆壁。折敗樹木。一城戰慄。象齊趣佛。佛舉五指。爲五師子。同聲俱吼。震動天地。醉象伏地。垂淚悔過。王及臣民。莫不驚肅。王白佛言。稟性不明。信彼讒言。與逆造惡。願垂大慈。佛告王民。世有八事。與長誹謗。皆由名譽。以致大罪。何等爲八。利衰毀譽。譏稱苦樂。自古及今。歎不爲惑。

同上卷

舉出生經云。佛游舍衛國。波斯匿王請佛及僧。有比丘尼名曰暴志。木魁繫腹。猶似懷妊。乃牽佛衣。汝爲我夫。從得有娠。不給衣食。天人四衆。莫不驚惶。三界之尊。降伏諸邪。明超日月。不可汙染。時天帝釋。化作一鼠。齧彼魁繩。墮地。衆會覩之。瞋喜交集。怪其所以。王瞋此尼。謗於大聖。握地倒埋。佛喻勿爾。是吾宿罪。過去世時。有客賣珠。而且明。一女就買。欲成。有一男子。倍價爭之。女復從求。畢竟不與。心懷瞋恨。願我在在所。

生當報汝寃時男子則我是女者暴志是此自
往緣非特今也

同上函
第三卷

○調達雖逆陷泥犁

○如來復讚爲知識

智度論云提婆達多

調達
異名種種

變態動王子心

立大精舍得大供養而徒衆尠少提婆達多自
念我有三十相滅佛未幾直以弟子未集若大
衆圍遶與佛何異如是思惟生心破僧得五百
弟子後舍利弗說法教化僧還和合提婆達多
便生惡心推山壓佛金剛力士以杵遙擲碎石

逆來傷佛足指華色比丘尼呵之復拳於尼尼
卽眼出而死作三逆罪復與邪師富蘭那外道
等爲親厚斷諸善根復以惡毒着指爪中欲因
禮拜以中傷佛往而未到於王舍城地自然裂
火車來迎生入地獄

德字函
第四卷

大乘十法經云淨無垢妙淨寶月王光菩薩白

佛言云何可取提婆達多是善知識復是如來
久遠親近是怨家者佛告善男子若無提婆達

多善知識者不顯如來諸佛功德

服字函

○波旬幾處作威來○伎倆盡時歸向去

因果經云。菩薩將成道時。魔王恐諸眾生皆歸空我境界。持箭以射。菩薩不動。箭化成花。復令三女供給。以亂定意。菩薩不納。三女忽然成變。陋形不能自復。魔王前白菩薩。汝若不樂人間受樂。我捨天位。及五欲具。悉持與汝。菩薩答言。汝於先世修少施。因今故得為自在天王。此福有期。要還下生。沈溺三塗。非我所須。我昔曾以頭目髓腦國城妻子。而用布施。不可稱計。求無

上道。汝今不應惱亂於我。魔王慙怖還宮。辭字函第

卷三

月藏經云。佛在大集會上說法。魔王波旬亦作神變。復無能為。即說偈曰。我今歸依佛世尊。從是終不起惡心。瞿曇心定容恕我。我當守護佛正法。陶字函第二卷

婆沙論問。何故名魔。答曰。斷慧命。故名魔。復次

常行放逸。害自身。故名魔。魔秦言殺何故名波旬。答

曰。常有惡意。成就惡法。故名波旬。波旬秦言惡也○規

函第一卷

入道品

○分別善根三等異○良由種子爾多差
婆沙論云善根有三種一福分善根二解脫分
善根三達分善根福分者能作人天種子若在
人中生豪貴家作輪王等若在空中作帝釋魔
王梵王等解脫分者能作解脫種子決定不退
因必至涅槃達分者謂煖法至世第一法

卷五

分字
函第

創能一植解脫因○極速三生方入道

順正理論云諸有創植順解脫分極速三生方
得解脫謂初生植順解脫分次生成熟第三生
起順決擇分即入聖道

雅字函
第一卷

○隨信行人從聞入○隨法行人乃慧修

毗婆沙論云若信他言入聖道者名堅信若自
思惟入聖道者名堅法以定入聖道者名堅信
以慧入聖道者名堅法

規字函
第二卷

毗曇心論云隨信行非利是信他法得行義也

大藏一覽

卷七

三

隨法行利根。是智慧。不信於他義也。未離欲界。
欲趣向於初果。名向須陀洹果。都字函 第三卷

婆沙論云。隨信隨法行人。超越異生地。未得預
流果。問何故名異生地。答。一切聖者。皆名同生。
此異於彼。故名異生。離字函 第五卷

○少善爲何能解脫。○一心回向證菩提。

婆沙云。有人以一搏食施。能種解脫分善根。至
有能作般遮於瑟。此云五年 而大會也而不能種解脫分
善根。或有持一日齋。能種解脫分善根。至有終

身持戒。而不能種解脫分善根。或有誦持一偈。
能種解脫分善根。至有善通三藏文義。而不能
種解脫分善根。何以故。若以此事回向解脫。涅
槃永離生死。有如是勇猛心者。是則能種解脫
善根。若不如是回向。雖多布施。終身持戒。廣學
多聞。而不能種解脫善根。有近有遠。近者前身
中種。此身成熟。來身解脫。遠者曾種。經那由他
世受身。而不能生達分善根。聲聞所得解脫分
善根。可回向趣辟支佛。辟支佛所得解脫分善

根亦可回向趣佛

分字函
第五卷

○戒定慧初離縛結○聞思修後觀門開

解脫道論云。戒定慧。謂解脫道。戒者威儀義。定者不亂義。慧者知覺義。解脫者離縛義。復次戒除惡業垢。定除纏垢。慧除使垢。又以三種善伏道。謂初中後善。以戒爲初。以定爲中。以慧爲後。云何戒爲初善者。有精進人。成就不退。以不退故喜。以喜故踊躍。以踊躍故身倚。以身倚故樂。以樂故心定。此謂初善。定爲中善者。以定如實

知見慧爲後善者。已如實知見猒患。以猒患故

離欲。以離欲故解脫。又以戒除惡趣。以定除欲

界。以慧除一切有

昔字函
第一卷

發善提心論云。修習禪觀。由三法生。謂聞思修慧。云何聞慧。如所聞法。心常愛樂。無有猒足。云何思慧。思念觀察一切有爲法。如實相。謂無常苦空無我不淨。念念生滅。不久敗壞。卽生猒離。趣佛智慧。云何修慧。謂離欲不善法。漸次修入

命字

函

○一貫顯宗之全章○備見歷修之有序

自此入修不淨息念二觀漸起。礙頂忍世第一法四種加行之功也。

顯宗論云。已先安住清淨尸羅。及聞思修。將趣

見諦。由何門入。於是即說頌曰。入修要二門

不淨觀息念。貪尋增上者。如次第應修

論曰。修行多種。依二門入。一不淨觀。二持息念

且不淨觀治貪息念。治尋先辯不淨觀相頌曰

爲通治四貪。且辯觀骨鏹。廣至海復畧

名初習業位。除足至頭半。名爲已熟修

繫心在眉間。名超作意在

論曰。修不淨觀。正爲治貪。畧有四種。一顯色貪。

二形色貪。四供奉貪。對治四貪。依二思擇。一觀

內尸。二觀外尸。利根者。先於內身皮

爲邊際。足上頂下。周徧觀察。令心厭患。若鈍根

者。煩惱猛利。難可摧伏。藉外緣力。方能制治。故

先明了觀察外尸。漸令自心煩惱摧伏。謂彼初

觀外尸時。先起慈心。徃施身處。觀外尸相。以况

內身。彼相既然。此應亦爾。應修八想。伏治四貪。

爲治顯色貪故修青瘀想。及黑赤想。爲治形色貪故修被食想。及分離想。爲治妙觸貪。故修破壞想。及骸骨想。爲治供奉貪。故修胖脹想。及膿爛想。惟緣骨鎖。修不淨觀。通能伏治如是四貪。約所修行。說有三位。一初習業。二已熟修。三超作意。且修不淨觀時。應先繫心於自身分。或於足指。或於眉間。或鼻額中。隨所樂處。專注不移。最初繫心。假想自身足指等處。下至能見鑱裹白骨。由勝解力。漸廣漸增。乃至具見全身骨鎖。

觀行未成。但由想力。觀行成已。便由慧力。此位未成。故由想轉。見全身已。復方便入緣外白骨不淨觀門。謂爲漸令勝解增。故觀外骨鎖在已。身邊。漸徧一牀。一房。一寺。一園。一里。一邑。一國。乃至徧地。以海爲邊。於其中間。骨鎖充滿。於所廣事。漸畧而觀。乃至惟觀自身骨鎖。齊此漸畧。不淨觀成。名初習業位。爲令畧觀勝解。漸增。於白骨中。復除足骨。漸次。上至除頭半骨。思惟半骨。繫心而住。齊此轉畧。不淨觀成。名已熟修位。

爲令畧觀勝解自在。除半頭骨。繫心眉間。專注一緣。湛然而任。齊此極畧。不淨觀成。名超作意位。應知至此。不淨觀成。以無貪爲性。諸所應爲。皆究竟故。次辯持息念者。頌曰。息念慧五地。緣風依欲身。二得實外無。有六謂數等。論曰。阿那者。謂持息入。是引外風。令入身義。阿波那者。謂持息出。是引內風。令出身義。又說阿那者。能持來阿波那者。能持去。出入息念。能持身風。謂胎卵位。先於齋處。業生風起。穿身成穴。

如藕根莖。最初有風。來入身內。乘茲口鼻。餘風續入。此初及後。各入息風。內續風出。各出息風。如鍛金師。開臺囊口。自然風入。入已按之。其風還出。風性法爾。實無入出。如是因顯風義。正明二息。持息念故。定慧得成。此念所依。惟通五地。謂依欲界靜慮。中間及初二三靜慮。近分由此。但與捨根相應。爲對治尋修。此念具有其六。一數。二隨。三止。四觀。五還。六淨。且數謂繫心數。入出息。從一至十。不減不增。恐心於境。極聚散故。

中有三失。一數減失。二數增失。三雜亂失。復有三失。一太緩失。二太急失。三散亂失。若十中間。心散亂者。復應從一次第數之。終而復始。乃至得定。凡數息時。應先數入。以初生位。入息在先。乃至死時。出息最後。如是覺察死生位故。於非常想。漸能修習。隨謂緊心。隨入出息。念入出息。爲短爲長。爲遠至何。復還旋返。隨彼息入。行至喉。心齋。髁。髀。膝。脛。腓。足。指。念恒隨逐。止謂繫念。惟在鼻端。或在眉間。乃至足指。隨所樂處。安止。

其心。觀息住身。如珠中縷。觀謂觀察此息風已。兼觀息俱。大種造色及依色住。心及心所。具觀五蘊。以爲境界。轉謂移轉緣息風覺。安置後後勝善根中。謂念住爲初。至世界第一法淨。謂昇進八見道等。爲後名轉盡智等。方各淨息相。自字函第卷九。○修入二門。心得定已。復何所修。頌曰。依已修成止。爲觀修念住。以自相共相。觀身受心法。

論曰。已修成止。以爲所依。爲觀速成。修四念住。

以自相共相觀身受心法。謂修觀者專心一趣。分別此法。與所餘法。有差別義。名觀自相。分別此法。與所餘法。無差別義。各觀共相。復次觀自相者。謂觀察身諸處別相。觀共相者。謂觀諸處同是身相。如是觀身不淨。治於不淨。謂淨顛倒。觀受是苦。能治於苦。謂樂顛倒。觀心非常。能治非常。謂常顛倒。觀法非我。能治非我。謂非顛倒。如人已觀糞體不淨。亦不欣樂從糞所生。是故已觀身體不淨。於五取蘊。皆不欣樂。便能摠伏。

後三念住。如是能順決擇思所成攝善根。說已。卽修所成。生何善根。而說頌曰。從此生煖法。

具觀四聖諦

修十六行相

頁第一亦然

論曰。從修所成。順決擇分。初善根起。名爲煖法。是摠緣共相法。念住差別。如是所修。能燒煩惱。薪聖道火前相。如鑽火位。初煖相生。能具觀察四聖諦境。由此具修十六行相。觀苦聖諦。修四行相。一非常。若有還無二苦。隨逐相惱三空。觀本無故四非我。不自在故觀集聖諦。修四行相。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

一因生相似果二集能生流轉三生能牽生死

四緣能相和合觀滅聖諦修四行相一滅相違

之滅故謂之緣除煩惱火三妙勝一切法四離能捨

之離故謂之靜觀道聖諦修四行相一道能至非品二如

不顛不剗三行聖足所履四出不超生死○注

參用毗是故行者修此煖已次起頂法猶如山

頂人不久住若無諸難必過此山至於彼山若

遇諸難即便退還若無諸難必到於忍既入忍

位於四諦境極堪忍故次起世第一法世中勝

故如是觀四諦境摠修十六行相漸近見諦緣

欲苦諦修一行相惟一刹那謂無間入離生位

決定無相續理從斯後邊復生何道即說頌曰

世第一無間 卽緣欲界苦 生無漏法忍

忍次生法智 次緣餘界苦 生類忍類智

緣集滅道諦 各生四亦然 如是十六心

名聖諦現觀

論曰從世第一善根無間卽緣欲界苦聖諦境

而生無漏法忍生此忍故名爲法智謂所苦法無始時來

身目下現前名苦法忍此能引後苦法智生如緣欲界苦聖諦境有苦法忍苦法智生如是復於法智無間總緣餘界苦聖諦境有類忍生名爲類忍此忍無間卽緣此境有類智生名爲類智最初諸法真理故名法智此後境智與前相似故得類名是後隨前而證境義如緣苦諦欲界及餘生法類忍法類智四緣餘三諦各四亦然卽緣一一有四心義如是次第有十六心總說名爲聖諦現觀以於三界四聖諦境次第現前如實故是名現觀同字兩第十卷

聲聞品

○自利修持心狹劣○由他開悟聲聞乘華嚴經上品十善以智慧修習心狹劣故怖三界故闕大悲故從他聞聲而解了故聲聞乘

○四向四果解脫僧○有學無學賢聖輩

達磨論下云四果中間所有諸道及前見道名爲四向隨在彼果前卽名彼果向如是有八補特伽羅補特伽羅此云數取趣謂數數往來生死也謂行四向及任

四果東字函

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

般若經云。斷三結名預流果。三結者一身見謂執有我故。二戒禁

取謂執持狗牛等戒為生天因。三疑謂不了諦。薄貪瞋癡。名一來果。施

無着是名貪薄。於乞者生慈是名斷順。下分五

瞋薄。施已回向菩提是名癡薄。斷順下分五

結永盡。名不還果。五結者一身見二戒禁。斷順

取三癡四貪欲五瞋恚。斷順上分五結永盡。名阿羅漢果。

謂色界愛二無色愛謂無色界愛。三無明謂心不了。令所有集法

四掉謂心躁動五慢謂心自高。皆成滅法。名獨覺菩提。永斷一切習氣相續。名

無上菩提。為字函第三卷婆沙論云。學人者。須陀洹斯陀舍。阿那含。無學

人者。阿羅漢辟支佛。仁字函第八卷

顯宗論云。何名有學。謂學意未滿故學。何名無

學。謂阿羅漢諸自利行。修學已成。惟應作他利

益事故。○復次盡智未生。前七聖者皆名有學。

盡智已生。便成無學。阿羅漢。摩字函第二卷

○初二三結雖難解。○九十八使尚應除。

婆沙論云。順下分結。下有二種。謂界下。有情下。

由初二結過患重。故不超欲界。由後三結過患

重。故不越異生。乃立此五為下分結。初之二結。

猶如獄卒。後之三結。如防邏者。如有罪人禁在
牢獄。有二獄卒。恒守御之。不令輒出。復有三人
常爲防邏。彼人設以親友財力。傷害獄卒。走出
三防邏者。還執將來。閉置牢獄。牢獄卽喻欲界。
罪人卽喻異生。二獄卒者。喻初二結。三防邏人。
喻後三結。若有異生。以不淨觀。傷害貪欲。復以
慈觀。害於瞋恚。離欲乃至無所有處。生初靜慮
乃至有頂。彼有身見。戒禁取疑。還執將來。置欲
界。復次預流一來。所起諸結。順生下故。猶復現

起。似異生業。謂着雜綵塗飾香花。受畜金銀珍
玩寶物。亦與男女同處一牀。行非梵行。名爲似
異生業。復次五順上分結。謂色貪。無色貪。掉舉。
慢。無明。惟不還者。所起諸結。順上分故。離字函
第九卷
法數云。十使一貪。二瞋。三癡。四慢。五疑。六身見。
七邊見。八見取。九禁戒取。十邪見。如是十使。能
徧三界之中。分於四諦之下。變成九十八使。攝
入見諦思惟二門。○見諦惑八十八使。欲界苦
下且
有十使集諦下滅諦下各有七使並除身見邊
見戒取道諦下有八使除身見邊見共三十二

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大痴一覽

卷七

使○色界苦諦下有九使除瞋集諦滅下各有六使除瞋及身見邊見戒取道諦下有七使除瞋及身見邊見共二十八使○無色界四諦下皆如色界除亦共二十八使都計有八十八使
思惟惑十使欲界四使謂貪瞋癡慢此使從斯陀舍向入修道斷乃至阿那含果
九界方盡○色界三使貪瞋癡此三使並是阿羅漢向用修道智斷○無色界三使貪瞋此思惟三界合有十使并見諦合為九十八
使但此使亦是羅漢向斷至果方盡

六欲且非定修地 八智可除煩惱根

婆沙論云欲界是不定界非修地非離欲地色無色界是定地修地離欲地不可以緣不定界智斷定界結○又問云何八智謂法智比智他

心智等智苦智集智滅智道智復次法智猛利不多用功能斷不善無記煩惱譬如利刀能斷於鐵何況草木彼亦如是比智非利多用功力乃能斷無記煩惱何能斷不善煩惱譬如鈍刀雖多用功能斷草木何能斷鐵耶隱字由第十卷

大婆沙問云何為智答五識相應慧有三種一

善二染三無覆無記善者謂惟生得善染汚者謂惟修所斷貪瞋癡相應無覆無記者謂異熟生意識相應善有二種一有漏二無漏有漏有

涅槃經云。須陀洹果。經八萬劫。得阿耨菩提心。
須陀合果。經六萬劫。阿那含果。經四萬劫。阿羅
漢果。經二萬劫。辟支佛道。經十千劫。得阿耨菩
提心。體字函
第二卷

良爲衆生根器異 所以如來廣畧談

毗婆沙論中問。如阿毗曇說。斷八十八使。名須
陀洹。以何等故說。若斷三結。名須陀洹。答曰。爲
受化者。智有深淺。說對治法。譬如醫師。觀病投
藥。亦不少投。其病不愈。若多投者。唐捐其功。佛

亦如是。爲利根者。說斷三結。爲鈍根者。說斷八
十八使。名須陀洹。如跋耆子。於佛法中出家。制
二百五十戒。生憂慮心。而白佛言。我今不堪守
護諸戒。佛言。汝能善學三戒耶。謂戒心慧。彼人
歡喜。答言。我能學此三戒。次第能學一切諸戒。
若如來說斷見道。所斷八十八使。名須陀洹。則
受化者。心生憂慮。何能拔此八十八煩惱之樹。
度八十八煩惱大河。竭八十八煩惱大海。摧八
十八煩惱之山。修此八十八對治之道。若說斷

三結名須陀洹。此受化者。喜以爲易。若斷三結。則斷見道一切諸使。所以者何。此三結。謂身見。戒取。疑身見。是六十二見諸煩惱之根本。戒取。是種種邪苦之行。疑。是猶了。箴字函。不。第六卷。

○四靜慮并四無量。○八解脫并八勝處。大乘相論下云。四靜慮者。離生喜樂。名初靜慮。定生喜樂。名第二靜慮。離喜妙樂。名第三靜慮。捨念清淨。名第四靜慮。如是等四。皆寂止相。欲界等貪心不流動。是名靜慮。乾字所。

禪法要解經云。佛法微妙。未得修定。智慧云何。籌量諸法實相。是以離欲惡不善法。除捨五蓋。集諸善法。深入一心。有覺有觀。離生喜樂。入初禪。問曰。得初禪相云何。答曰。先以正念。呵止五欲。得未到地。身心快樂。證初禪相。轉復增勝。身輕心定。瞋處不瞋。喜處不喜。世間八法所不能動。至於衣服飲食等。心不貪着。但以諸善功德爲貴。得初禪已。進求二禪。若有漏道於二禪地邊。臥患覺觀。如欲界五欲。五蓋。令心散亂。初

禪覺觀。惱亂定心。亦復如是。若無漏道。離初禪。
欲卽用無漏初禪。呵責覺觀。問曰。如初禪結使。亦能亂心。何故但說。竟觀。答曰。竟觀。滅結使。大喜。以大喜故。壞破
亦滅。復次。本末。皆得。竟觀。
定心。以破定故。應當捨捨。內得清淨。無覺無觀。
定生喜樂。入於二禪。問曰。云何是二禪。相。答曰。
經中說。言滅諸覺觀。若善若無記。以無覺觀動
故。內心清淨。如水澄清。無有風波。星月諸像。悉
皆照見。定生喜樂。妙勝初禪。初禪喜樂。從離欲
生。此中喜樂。從初禪定生。如是二禪定。有煩惱

覆心。所謂愛慢邪見疑等。壞破定心。當求斷滅。
以進三禪。問曰。若爾者。佛何以說離喜行捨。得
入三禪。答曰。得二禪大喜。一心過差。心變着喜。
生諸結使。以是喜故。爲煩惱本。問曰。五欲不淨。
則應當捨。是喜淨妙。衆生所樂。云何言捨。答曰。
先已曾答。生着因緣。則是罪門。喜爲麤樂。今欲
捨麤而求細樂。故言離喜。更入深定。以求妙樂。
○云何第三禪樂。世間最樂。無有過者。此三禪
中有其三過。一者心轉細沒。二者心大發動。三

者心生迷悶。常應一心念此三過。若心沒時。以精進智慧力。還令心起。若大發動。則應攝心。若心迷悶。應念佛法微妙。還令心喜。常當守護。治此三心。是名巧念慧行樂。入第三禪。麤者爲喜根。細者爲樂根。譬如極熱。得清冷水。持洗手面。是名爲喜。入清涼池。舉身沐浴。是名受樂。既得三禪之樂。一心守護。常恐退失。則爲是惱。是故樂復爲患。當求離樂。譬如人求富貴之樂。求時既苦。得之無厭。則復爲苦。得已守護。亦復爲苦。

行者患樂。亦復如是。求初禪樂。以覺觀惱亂。故捨。二禪大喜動。故捨。三禪知樂無常難守。故捨。以是故當捨此樂。求於四禪安隱之地。問曰。依禪定樂。捨於欲樂。今依何等而捨禪樂。若捨禪樂。得何利益。答曰。依涅槃樂。能捨禪樂。而得三利。所謂羅漢辟支佛。佛道。是故捨三禪定。行於四禪。安隱快樂。以三乘道。隨意而入清淨涅槃。○問曰。云何第四禪相。答曰。如佛說四禪相。若斷樂斷苦。無憂無喜。不苦不樂。護念清淨。入第

四禪以滅憂苦喜樂四事。故念清淨。問曰。上三禪中。不說清淨。此何獨說。答曰。初禪覺觀未定。二禪喜大發動。三禪樂心多亂。並皆念不清淨。復次下地。雖有定心。出入息故。令心難攝。四禪念清淨。故無出入息故。心則易攝。復次第四禪。名爲真禪。餘三禪者。方便階梯。是四禪相。譬如善御良馬。隨意所至。欲行四無量心。四無色定等。隨意皆得。欲得六通。求之亦易。前字函

顯宗論九地。謂四淨慮未至。中間及三無色。摩字

函第一卷

婆沙論。淨慮地未至。及淨慮中間。此二俱名未至地。問曰。此地何故名未至耶。答未入根本。能現在前。斷諸煩惱。故名未至。即字函第十卷

智度論云。入初禪。定名有覺有觀。初禪二禪中間。是名無覺有觀。從二禪乃至非有想。非無想定。是名無覺無觀。立字函第八卷

問曰。覺觀有何差別。答曰。麤心相名覺。細心相名觀。初緣心中發相。名覺。後分別籌量好醜。名

大藏一覽
卷七
觀。建字函
第三卷

婆沙論云。惟欲界及初淨慮。未至定中。有尋有伺。淨慮中間。無尋唯伺。第二淨慮。乃至有頂。無

尋無伺。退字函
第十卷

法蘊足論云。尋。謂尋求離欲惡不善法。伺。謂伺察離欲惡不善法。問。尋與伺。有何差別。答曰。心。麤是尋。心細是伺。此復如何。如打鍾時。麤聲喻尋。細聲喻伺。弟字函
第七卷○尋。初時覺觀。禪定與淨慮。皆各異而義同。般若經云。四無量者。依諸淨慮。復能引發慈悲。

喜捨。四種無量。崗字函
第六卷

大集法門經上云。佛說若有苾芻發起慈心。徧於十方一切世界。一切種類。廣大行慈而無邊際。名慈無量。悲喜捨三。亦復如是。且字函

智度論云。大慈與一切眾生樂。大悲拔一切眾生苦。問曰。如何是小慈小悲。答曰。四無量心中慈悲。名爲小。十八不共法。次第說大慈悲。名爲大。復次諸佛心中慈悲爲大。餘人心中爲小。問曰。菩薩何言大慈大悲。答曰。菩薩大慈。於佛爲

小於二乘爲大。此是假名爲大。復次小慈但心
念與衆生樂。實無樂事。心憫其苦。建字函
第七卷
般若經云。八解脫者。謂有色觀諸色。是第一解
脫。內無色想。觀外諸色。是第二解脫。淨勝解身
作證。是第三解脫。超一切色想。滅有對想。不思
惟種種想。入無邊空處。定具足住。是第四解脫。
超一切空。無邊處。入無邊識處。定具足住。是第
五解脫。超一切識。無邊處。入無少所有處。定具
足住。是第六解脫。超一切無所有處。入非想。非

非想處。定具足住。是第七解脫。超一切非想。非

非想處。入滅想受定具足住。是第八解脫。出字函
第九卷

婆沙論云。解脫是何義。答曰。背棄義。問曰。若背

棄是解脫義者。何處解脫。背何處心。答曰。初解

脫。第二解脫。背棄色愛心。第三解脫。背棄不淨

心。空處解脫。背棄下地法。乃至非想。非非想處

解脫。非背棄下地法。滅受想解脫。背棄一切有

緣心。慈字函
第六卷

法集經云。八勝處者。有色見色。知彼色中得自

在見。是名初勝處。內身有色相。見外色好醜。知彼色中得自在見。是名第二勝處。內身有色相。見外色無量。若好若醜。知彼色中得自在見。是名第三勝處。內身有色相。見外色少。若好若醜。知彼色中得自在見。是名第四勝處。內身有色相。見外色青。譬如優摩歌華。青色青光。知彼色中得自在見。是名第五勝處。內身有色相。見外色黃。譬如伽尼歌羅華。黃色黃光。知彼色中得自在見。是名第六勝處。內身有色相。見外色赤。

譬如勝頭視婆華。赤色赤光。知彼色中得自在見。是名第七勝處。內身有色相。見外色白。譬如優沙私多羅華。白色白光。知彼色中得自在見。是名第八勝處。欲字函第二卷

○第九次第非想定。○滅盡及從無想修

般若云。九次第定。謂四靜慮。四無色定。滅想受定。出字函第九卷

宗鏡問住滅定者。於八識中。滅何等識。答。滅六識。以第八識持身。契經說。住滅定者。身語心行。

無不皆滅。而壽不滅。亦不離煖。根無變壞。識不離身。若全無識。應如瓦礫。豈得說爲住滅定者。

駕字函第十卷

大毗婆沙論云。無記心者。其性羸劣。腐敗萎歇。要任強勢堅勝之心。方能修故。在無想定。滅盡定者。謂彼無心。要有心者。方能修故。生無想者。有說生彼於一切時。善心不起。有說雖起而非修所依。以不能修未來法故。勅字函第九卷

○爲甚一禪分四種。○由生異見許多般。

宗鏡云。禪有四種。一作異計。忻上厭下而修者。是外道禪。二信正因果。亦不忻厭而修者。是凡夫禪。三了生空理證偏真道而修者。是小乘禪。四達人法二空而修者。是大乘禪。富字函第九卷

○坐禪念起魔乘隙。○斫柱看來體自傷。

宗鏡云。心靈萬變。或坐禪。或在定。魔境千差。茫然不識。昔有禪師在山間坐。見一孝子。擎一死尸來。向師前哭。云何故殺我阿母。師知是魔境。便於柱上取斧一斫。孝子走去。後覺股上濕。乃

看見血。不期自斫。○又有禪師坐時。見一猪來。卽把猪鼻一拽。叫把火來。乃是把自鼻孔。乃正坐禪時。心中起見。遂感外魔來入。但修正定。何有魔事。富字函第九卷

○羅漢無生猶有退。○醯迦七返自殘傷。

婆沙論云。阿羅漢有六種。一退法。二憶法。三護法。四等住。五能進。六不動。然退法者。退憶法者。心生厭憶。持刀而欲自害。護法者。於已解脫。心生愛樂。善能守護等住者。不退不進。能進者進。

至不動不動者。任本根不動故。規字一函第七卷

云何阿羅漢有九種。答曰。退法。阿羅漢成就二種根。下下中。憶法。成就下上根。護法。成就中下根。等住。成就中中根。能進。成就中上根。不動。成就上下根。辟支。成就上中根。佛。成就上上根。復次。佛說瞿醯迦阿羅漢六返退。耶駄患退。故以刀自害而死。第八卷

○凡夫致罪刑猶重。○聖種同愆責且輕。

婆沙云。如二人犯王法。一是凡庶。便致重刑。一

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

是王子。但遭訶責。如是異生。及預流者。俱作惡

業。而諸異生。非聖種故。所造惡業。招惡趣苦。一

切預流。是聖種故。惡業。但招人天輕苦。鳥字函 第五卷

○止觀明於生滅相。○三摩元是等持心

起信論止觀二門。止者。謂止一切境界相。隨順

奢摩他觀。境心觀者。謂分別因緣生滅相。隨順

毗婆舍那觀。如實觀察 諸法自性○盡字函 第九卷

宗鏡問如何行於止觀。得契真修。但了能觀之

心。所觀之境。各各性離。即妄心自息。此名為止。

常作此觀。不失其照。故名為觀。斯則即止即觀。

即觀即止。無能所觀。是名止觀。如先德云。法性

寂然。名止。寂而常照。名觀。非能所觀。有其二事。

後字函 第十卷

般若音釋云。三摩地門。亦云三昧。此云等持。謂

等正持心也。亦云正定。故字函

○入聖已離五恐怖。○修心能伏四魔怨

婆沙云。四果聖人。已離五恐怖。一不活怖。尚不

何况資財。三惡名怖。不於他所希求 唯專給施一切衆生三大衆怖。

大藏一覽 卷七 五

一切世間無四死怖。速離我見五惡道怖。自知
等者何况有四死怖。無有我見五惡道怖。死已
決定不離○正文仁字函第八卷
諸佛菩薩○注出華嚴三十四卷

淨印法門經云。以無所爲心。即能降諸魔。當知
有四。一者蘊魔。二者煩惱魔。三者死魔。四者天
魔。若伺察無生無起之法。能降死魔。俱時依止。
一切意法趣向滅道。能降天魔。復次知苦能降
蘊魔。斷集能降煩惱之魔。證滅降死魔。修道能
降天魔。密字函
第五卷

○儻知入流無所入。○便薦一來無所來。

金剛經佛告須菩提。於意云何。須陀洹能作是
念。我得須陀洹果。不須菩提言不也。世尊何以
故。須陀洹名爲入流。而無所入。不入色聲香味
觸法。是名須陀洹。須菩提於意云何。斯陀含能
作是念。我得斯陀含果。不須菩提言不也。世尊
何以故。斯陀含名一往來。而實無往來。是名斯
陀含。須菩提於意云何。阿那含能作是念。我得
阿那含果。不須菩提言不也。世尊何以故。阿那含
名爲不來。而實無不來。是故名阿那含。須菩提

大藏一覽
卷七
五九

於意云何。阿羅漢能作是念。我得阿羅漢道。不須菩提言不也。世尊何以故。實無有法名阿羅漢。世尊若阿羅漢。作是念。我得阿羅漢道。卽爲著我人衆生壽者。

緣覺品

○直能自悟甚深法。○不從他教獨覺乘。

華嚴經云。上品十善。修治清淨。不從他教。自覺悟故。大悲方便。不具足故。解了甚深。因緣法故。成獨覺乘。

愛字函
第五卷

婆沙論問曰。辟支佛復云何。答曰。辟支佛獨出世者。當知如佛如渴伽默獨生一角。彼亦如是。

分字函

○辟支佛卽獨

○無明生故諸緣生
無明滅故諸緣滅

般若經云。十二緣起無明緣行。行緣識。識緣名色。名色緣六入。六入緣觸。觸緣受。受緣愛。愛緣取。取緣有。有緣生。生緣老死。復以無所得爲方便。思惟無明滅。故行滅。行滅故識滅。識滅故名色滅。名色滅。故六入滅。六入滅。故觸滅。觸滅。故受滅。受滅。故愛滅。愛滅。故取滅。取滅。故有滅。有

滅故生滅。生滅故死滅。

爲字函
第四卷

婆沙論云。時分緣起。謂十二位。立十二支。一支中。各具五蘊。於可愛境。由無知故起貪着。時此中無知。卽是無明。有貪着者。是行了別境者。是識。識俱諸蘊。是名色。名色所依諸根。是六處。六處和合。是觸。能領觸者是受。欣所受者。愛。增廣是取。引後有業。是有諸蘊起。是生。諸蘊熟變。是老。諸蘊滅壞。是死。內熱是愁。哀泣是悲。五識相應。不平等受。是苦。意識相應。不平等受。是

憂。心焦是惱。

火字函
第二卷

觀彼草木榮還枯

悟自形骸亦復爾

婆沙論問曰。有生滅。觀彼以何爲方便耶。答曰。彼行者見春時草木青色。如紺琉璃。見河駛流。浮沫著岸。作是思惟。此諸外法。今已復生。若入聚落。見諸男女。歌舞戲笑。問之何爾。答曰。此中生男生女。復思內法。今已復生。後於秋時。又見草木風霜凋零。河水枯涸。彼復思惟。如此外法。今已復滅。若入聚落。見諸男女。死亡啼哭。內法

亦滅行者見如此相。自觀己身。壯老無常。誰能
免者。分字兩
第五卷

菩薩品

自他兼利悲心重 福慧齊修菩薩乘

華嚴經云。上品十善修治清淨心。廣無量。故具
足悲愍。故方便所攝。故發生大願。故不捨眾生。
故希求諸佛大智。故淨治菩薩諸地。故淨修一
切諸度。故成菩薩廣大行。愛字一兩
第五卷

菩提一體成三種 菩薩初心勝二乘

破諸魔經上云。佛告迦葉。婆羅門。菩提有三種。
謂聲聞菩提。緣覺菩提。無上菩提。若人雖發菩
提心。但樂自利。以求解脫。故名聲聞菩提。又復
有人。雖發菩提心。於大乘法。不樂修習。但起心
念。觀諸緣法。隨所觀察而行。故名緣覺菩提。又
復有人。發生阿耨多羅三藐三菩提心。已復勸
他人。發如是心。於輪回身。不生厭倦。樂欲利樂
一切眾生。皆令解脫。以已善利普施一切。故名
爲無上菩提。微字函

智度論問曰。羅漢辟支。是離欲人。或有凡夫。尚未離欲。但發心者。云何得勝。答曰。發心菩薩。有其二種。一者行諸波羅蜜。二者但蜜發心。行菩薩道。雖事未成。能勝二乘。何以故。譬如太子。雖未卽位。勝諸大臣。有位富貴者。如一六通羅漢。將一沙彌。令負衣鉢。沙彌念言。當以佛乘於入涅槃。師知其念。卽取衣鉢自擔。遂彼前行。沙彌後復思惟。佛道甚難。久住生死。受無量苦。且以小乘。早入涅槃。師復以鉢囊還沙彌。擔令在後。

行沙彌白師。師年老耄。如小兒戲。師卽答曰。汝初發心作佛。是心貴重。位是我師。是故推汝前行。汝心還悔。欲取小乘。去我懸遠。故令在後。沙彌驚悟。住大乘法。表字函第八卷

○大小乘分五種異。○廣狹道中有速遲。

大乘莊嚴論釋云。聲聞乘與大乘。有五種相違。一發心異。二教授異。三方便異。四任持異。五時節異。聲聞乘若發心。若教授。若勤方便。皆爲自得涅槃故。任持亦少。福智聚小。時節亦少。乃至

三生得解脫故。大乘不爾。發心教授方便。皆爲利他故。任持亦多福智聚大。時節亦多。經三祇劫。故如是相違。不應以小乘行得大乘果。事字函第二卷婆沙云。依狹小道。而得解脫。各時解脫。若極速。第一生種善根。第二生令成熟。第三生得解脫。依廣大道。而得解脫。名不時解脫。若極遲聲聞。乘經六十劫。而得解脫。如舍利子。獨覺乘經百劫。而得解脫。佛乘經三祇劫。而得解脫。怖字函第一卷

○菩薩辨成如日耀。○聲聞所作類螢光。

般若經云。滿慈子。白佛觀前義。故讚諸菩薩。所有功德。不讚聲聞。佛告滿慈子。日輪與瞻部洲人。作光明事。螢能作不滿慈子曰。不也。佛言。如汝所說。菩薩成辨。如日輪光。普照瞻部。諸有情類。聲聞所作。如螢之光。唯照自身。於是菩薩調伏自身。煩惱亦度。有情。令離煩惱。證入菩提。聲聞乘人。唯調自身。不能調伏。諸有情故。奈字函第二卷

○佛乘究竟唯祇一。○如來方便說爲三。

法華經偈云。十方佛土中。唯有一乘法。無二

亦無三。除佛方便說。但以假名字。引導於衆生。
說佛智慧故。諸佛出於世。唯此一事實。餘二即

非真。

竹字函
第一卷

○莊嚴佛土有多方。○譬入大城非一路。

圓覺經云。譬如大城外有四門。隨方來者。非止
一路。菩薩莊嚴佛國。及成菩提。非一方便。

○同流同事與相親。○入水入泥而啟悟。

又云。菩薩變化示現世間。非愛爲本。但以慈悲
令彼捨愛。假諸貪欲而入生死。復次菩薩。唯以

大悲方便入諸世間。開發未悟。乃至示現種種
形相。逆順境界。與其同事。化令成佛。

四念住處四正斷 四如意足五種根

諸法無行經云。何觀四念處。觀身不淨。是身念
處。觀樂皆苦。是受念處。觀心生滅。是心念處。觀

壞和合相。但得法相。是法念處。

常字函

般若經云。四正勤。

亦云
正斷

以無所得而爲方便。於
諸未生惡不善法。爲不生故。於已生惡不善法。
爲永斷故。未生善法。爲令生故。已生善法。令安

住故。

生字函
第四卷

般若經云。四如意足者。謂欲三摩地。勤三摩地。

心三摩地。觀三摩地。一。地中斷行成就。修習

神足。欲三摩地者。即欲定也。斷行成就者。即依
斷身見等行及斷色受等行得成就故。

止厭。對治不
取惡法。依止離。性無
着故。依止滅。滅諸
惡法。回向於

捨。至無
依處。○正文崗字函第六卷
注文合論五十九卷

無盡意經云。四如意分慈喜捨。而為根本。心

調柔故。得入初禪。乃至四禪。身得輕軟。成就如

是身輕心柔。入如意分。入如意已。即生神通。心

得自在。隨意所往。如風行空。無所罣礙。周字函
第一卷

般若經云。五根者。謂信根。精進根。念根。定根。慧

根。崗字函
第六卷

無盡意經云。何信根。行世正見。信於業報。消除

疑網故。云何進根。攝修是法故。云何念根。所修

不忘故。云何定根。修心不亂故。云何慧根。以慧

照了故。周字函
第一卷

○五力七覺八道支。○總三十七菩提分。從
四

念處
至此

大藏一覽
卷七
卷七

般若經云。五力者。信力。精進力。念力。定力。慧力。

出闍字函
第六卷

無盡意經云。何信力。如是信向。魔不能壞。故進力。精進堅固。天人不能壞。故念力。任諸善法。煩惱不能壞。故定力。遠離憤鬧。雖有所說。不碍諸禪。不捨於定。亦不隨定。而能自在。慧力。知世間法。出世間法。無有一法。能壞是智。世間外道。苦行離行。是菩薩爲教化故。亦悉現受。同其所行。是出世法。能過世者。周字函
第一卷

婆沙論云。問曰。何緣此五名根名力。答。能生善法。故名根。能破惡法。故名力。有說不可傾動。名根。能推服他。名力。靜字函
第一卷

般若經云。七覺支者。謂念覺支。擇法覺支。精進覺支。喜覺支。輕安覺支。定覺支。捨覺支。依離依無染。依滅。回向捨。闍字函
第六卷

無盡意經云。念覺分。觀一切法。自性皆空。擇法覺分。能分別了義。不了義。進覺分。勤修不退。喜覺分。所修法喜故。除覺分。除諸煩惱故。定覺分。

如所入定。覺了諸法。捨覺分。不爲世法所牽。無着無碍故。周字函第一卷

般若經云。八聖道支者。謂正見。正思惟。正語。正業。正命。正精進。正念。正定。周字函第六卷

無盡意經云。正見不起。斷常見。正思惟。若思起於貪等。是名不正思惟。若思戒定智慧解脫解脫知見。是正思惟。正語。凡所演說。不令煩惱故。

正業。修順理業故。正命。威儀不動。無諸奸諂故。正進入正諦聖道故。正念。進向涅槃。繫心不忘。

故。正定。決定不亂故。周字函第一卷

婆沙論問。何故此七名覺支耶。答。覺爲究竟覺。卽盡無生智。或如實覺。卽無漏慧。七爲彼分。故名爲支。擇法亦覺亦支。餘六。是支非覺。○何故

此八名爲道支。答。所履通達。故名爲道。八是彼分。故名爲支。正見亦道亦支。餘七。是支非道。靜字

函第一卷

○次第五位以圓修。○由歷三祇之數劫。

楞嚴云。善男子。欲愛乾枯。根境不偶。純是智慧。

乾有其慧。名乾慧地。欲習初乾。未與如來法流
水接。卽以此心。流入圓妙。妄想滅盡。中道純真。
名信心住。○十一信心。真信明了。二念心。夙念
無忘。三精進心。精明進趣。四慧心。智慧現前。五
定心。寂妙常凝。六不退心。明性深入。七護法心。
保持不失。八回向心。回凡向佛。九戒心。安住無
爲。十願心。所往隨願。○十一發心住。心精發輝。
二治地住。履心如地。三修行住。遊履無碍。四生
貴住。入如來種。五方便具足住。覺胤不缺。六正

心住。心相如佛。七不退住。身心增長。八童真住。
靈相具足。九法王子住。出爲佛子。十灌頂住。灌
頂受職。○十一歡喜行。具佛妙德。二饒益行。利
益衆生。二無瞋恨行。利物無拒。四無盡行。通達
十方。五離癡亂行。得無差誤。六善現行。異中現
同。七無着行。塵刹不碍。八尊重行。皆第一義。九
善法行。圓佛軌則。十眞實行。一眞無僞。○十回
一救護一切衆生。離衆生相。回向度無所度。二
不壞回向。壞其可壞。三等一切佛回向。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

覺齊佛覺。四至一切處回向。發明如地。五無盡功德藏回向。身土涉入。六平等善根回向。同於佛因。七等觀一切衆生回向。性同衆生。八真如相回向。不即不離。九無縛解脫回向。十方無碍。十等法界無量回向。性得圓成。如是四十一。次加四種妙行。謂煖地。頂地。忍地。世第一地。○十一地。一歡喜地。透佛境界。二離垢地。同異性滅。三發光地。淨極明生。四燄慧地。明極覺滿。五難勝地。同異不至。六現前地。性淨明露。七遠行地。盡

真如際。八不動地。一真如心。九善慧地。發真如用。十法雲地。慈陰妙雲。覆涅槃海。如來逆流。如是菩薩。順行而至。覺際交入。名爲等覺。從乾慧心。至等覺已。是覺始護金剛心中。初乾慧地。如是重重單復。十二方盡妙覺。成無上道。染字兩卷第八卷
長慶注。複訓重也。五位中各具十又等妙二。覺爲二。或單舉一位亦各十二。或舉大數。乃名重重也。去無盡也。

唯識論五位者。一資糧位。謂修大乘順解脫分。二加行位。謂修大乘順決擇分。三通達位。謂諸

大藏一覽

菩薩所住見道。四修習位。謂諸菩薩所住修道。

五究竟位。謂任無上菩提。

則字函第九卷

大乘釋論三阿僧祇者。於中信行人。初僧祇滿。已浮心地。通達真如。六地已還。證有相行。七地無相。有功用。行得。第二僧祇滿。若入八地。得無功用行。然未成就。彼無功用行。九地十地。滿無功用行。是第三僧祇劫。

敬字一函第六卷

○餘乘至佛定三祇。○圓教初心成正覺。

長者論。如三乘中十住菩薩。學生空觀對治闡

提不信障。十行菩薩。作法空觀。修自利利他行。

對治聲聞自利障。十回向菩薩。作法空觀。成起悲願力。垂形六道教化衆生。對治獨覺自度障。

此三十心菩薩。謂之三賢。名資糧。加行位。對治地前三種障。但除正使。未除習氣。十地菩薩。斷其餘習。初地菩薩。見自身真如佛性。名見道位。

從二地至七地。是修道位。猶有功用而修其行。從八地至十地。名究竟位。

二十卷

十一地等覺位。

中。普賢行方終。十二地。是妙覺佛果。

四十卷 如是

權教。先行菩薩行。學假真如等觀。地前伏忍。十地以來。猶有十真如障。故爲觀當位真如成障。所得之行。並是有爲。所發菩提心。並未離生滅。所有能斷分別無明。由觀拆伏。十地之位。方能見性。經三祇劫。方始成佛。卷第二

舉勝鬘經云。菩薩成佛。定滿三祇也。

三十如圓五卷

教十住初首。便只見性成正等覺。行諸行相。教化衆生。卽爲覺行圓滿之佛。一位卽一切位。一切位卽一位。故十信滿心。卽攝六位。成正等覺。

依普賢法界帝網重重。主伴具足。故名圓教。卷第三

舉法華經。龍女利那成佛。

又華嚴經云。善財一生取果。初從文殊發菩提心。次第見德雲五十三知識。一一皆云。我已先發阿耨菩提心。云何教我學菩薩道。行菩薩行。卷第二

雖則初心成正覺。宛然似佛始相應。

又論阿羅漢辟支佛。及淨土菩薩。空觀菩薩。但析出世。行六波羅蜜。總是折伏現行無明。使令

不起。不得名爲永斷煩惱。得成佛道。一乘佛果。初發心時。便達根本無明。是根本智。成差別智。大用法門。初心之上。圓滿諸佛共所乘門。若智悲願行。毫釐不似佛信心。亦不成。何況住佛所住。爲佛眞子。若智不異。願行平等。大悲不異。境界不異。過去未來劫。與一念不異。定慧照之可見。是名依佛菩薩正善知識。依根本智發心。十三

卷四

○等覺品

十定超於十地上 等覺隣於妙覺中

華嚴經云。佛告普賢。爲普眼等說十三昧。三者正也

昧者定也令得善入滿普賢行。○一普光明三昧。此

菩薩。以三千大千世界。爲一蓮花。坐此花上。身

中復現三千大千世界。其中有百億四天下。一

一四天下。現百億身。一身入百億。百億三千

大千世界。現爾許菩薩修行。乃至根性圓滿。然

所現身。非一非多。入定出定。無所錯亂。長者論此明身

土重重相入。遍周廣大無盡眼故。○二妙光明三昧。此菩薩能入

三千大千世界微塵數三千大千世界。於一世界中。復現三千大千世界微塵數身。乃至調伏三千大千世界微塵數衆生。種種穢淨不同。菩薩悉知悉入。是諸世界亦悉來入菩薩之身。無有雜亂。亦不壞滅。此明自他境界身心無礙○三次第徧往諸佛國土神通三昧。此菩薩過於東方無數世界。復過爾所世界。微塵數世界。於彼世界中。入此三昧。或剎那入。或一日入。乃至不可說劫入。從三昧起於一切法。不忘不失。至於究竟。此明以如

幻智應物動寂依根本智恒無來往復此延促十餘三昧至文自明更不釋四清淨

深心行三昧。此菩薩過阿僧祇世界。諸如來所。一一以種種上妙香華。諸莊嚴具。而作供養。勤求妙法。然於諸佛出世涅槃。終不分別。○五知過去莊嚴藏三昧。此菩薩知過去諸佛出現劫剎次第。乃至調伏衆生壽命次第。○六智光明藏三昧。此菩薩能知未來一切劫中所有諸佛。已未說法。皆悉能知。○七了知一切世界佛莊嚴三昧。此菩薩能徧十方世界。見一切佛。以至

教化莊嚴。悉皆盡見。○八一切衆生差別身三昧。此菩薩。人身入夜。又身起。夜。又身入龍身起。乃至自身入佛身起。剎那入三世起。○九法界自在三昧。此菩薩。於自身一一毛孔中入此三昧。自然能知諸世間。及諸世間法。而作佛事。得法界自在故。○十無碍輪三昧。此菩薩。住無碍身語意業。住無碍佛國土。得無碍成就衆生智。轉無碍清淨法輪。作佛所作。紹諸佛種。愛字函四十卷

至育字函
四十二卷

何覓普賢身不見 良由普眼位差殊

華嚴經云。普眼菩薩白佛。普賢菩薩。今何所在。佛言。普賢。今現在此。是時普眼求覓不見。佛言。普賢。今此衆會親近我住。初無移動。如是普賢。若有得見。若得聞名。思惟憶念。皆獲利益。爾時普眼與菩薩衆。殷勤三請。於是普賢卽爲應身。令菩薩衆皆見普賢。近如來座。衆皆歡喜。莫不頂禮。愛字函第十卷長者論。何故普眼不見普賢者。爲明普眼。十地菩薩。皆是出世智慈。普賢是十

一 地行門。常在世間出世心。亡寂用自在。以出世三昧。不相應故。以是不見。佛云。現此衆會。親近我住。初無移動者。爲明總別同異。普光明智。與十方佛。大用體同。名爲衆會故。以差別智。不移根本智體。名爲親近我住。初無移動故。普眼賢勤三請。普賢如應現身者。爲明智體無所住故。若有想念。卽現應身。猶如谷響。但有應物之音。若求處所。了不可得。合論六十七卷

猶迷相數二般愚 未盡無明一分障

長者論。一佛相隨好無盡。二僧祇數量廣大佛

乃自說菩薩智所不及。謂之二愚。七十卷

宗鏡云。等覺未盡一分無明。猶如微烟。或云如

隔羅縠。二十三卷

○前雖微障尚爲碍。○此有金剛可破除

莊嚴論偈云。修位二僧祇。最後得受職。入彼金剛定。破諸分別盡。釋曰。修位二僧祇。最後得受職者。二僧祇謂第二第三僧祇。最後謂究竟於此修位。方得受職。問受職已。更何所作。答。入彼

金剛定。破諸分別盡。問。因何義故名金剛。答。分

別隨眠。此能破故。以金剛喻。華字函第七卷

○普賢何故不名佛。○老婆安得便休心

華嚴云。普眼白普賢言。此摩訶薩。得如是法。同諸如來。何故不名佛。不名十方。不名一切智。乃至何故修普賢行。猶未休息。普賢答言。此摩訶薩。已能修習去來今世一切菩薩種種行願。入智境界。則名為佛。於如來所修菩薩行。無有休息。說名菩薩。如來諸力。皆悉已入。則名十力。雖

成十力。行普賢行。而無休息。說名菩薩。知一切

法。而能演說。名一切智。雖能演說一切諸法。於

一一法。善巧思惟。未常止息。說名菩薩。乃至此

等分別。皆悉永息。是則說名休息願者。廣大修

習。圓滿未退。則名未息普賢願者。有字函第三卷

智度論云。何者名摩訶薩。於必定眾中。為上首。

故名摩訶薩。何等為必定眾者。性地人。八人。須

陀洹。斯陀含。阿那含。阿羅漢。辟支佛。初發心菩

薩。乃至阿鞞跋致地菩薩。是為必定眾。又摩訶

九痛一覽

卷七

薩。秦言大。立字函

第五卷

又薩埵。秦言衆生。是衆生爲無上道。故發心修行。名爲大心。以求菩提未得。故名爲菩提薩埵。

形字函

此方好略

第三卷 ○ 卽名菩薩

○ 稽首文殊七佛師 ○ 爲我衆生不取道
普超三昧經云。佛言。我今得佛。皆文殊之恩。本是我師。過去無央數佛。皆其弟子。當來者。亦是恩力所致。文殊乃佛道中父母也。尔時衆念文殊。旣在佛前。何不成佛耶。佛言。文殊深入善權。

廣化衆生。故未取道。

惟字函

第四卷

寶積云。文殊願我成佛之時。以恒沙諸佛世界。爲一佛刹。名爲普見。諸菩薩言。文殊所得佛刹。與彌陀佛刹等。不世尊告言。譬如有人。析一毛爲百分。以一分於大海中。取一滴水。喻彌陀佛刹。莊嚴彼大海水。喻普見佛刹。莊嚴。復過於是。

官字函

第十卷

菩薩受記經云。德藏菩薩。白佛言。觀世音得大勢。二大士於何國土成等正覺。佛答。阿彌陀佛。

正法滅後。觀世音成等正覺。號普光功德山王。如來。彼佛國土。號曰衆寶善集莊嚴般涅槃後。得大勢。卽於其國。成等正覺。號善住功德寶王。如來。改字函第十卷

大藏

大藏一覽卷第七 終

大藏一覽第八卷

寧德優婆塞陳 實謹編

明秀水居士姚舜漁校緝

第七門○功成未登正覺相好妙用神通凡四品

○法身品

○三身四智了然明○五眼六通無不具

三身金光明最勝王經云。一切如來。有三種身。

化身應身法身。如是三身具足。攝受阿耨菩提。

云何化身。如來昔在修行地中。爲諸衆生。修種

種法得自在力。隨衆生意。隨衆生界。現種種身。是名化身。云何應身。謂諸如來。爲諸菩薩。說於真諦。令其解了。生死涅槃。是一味故。爲除身見。衆生怖畏。歡喜故。爲無邊佛法。而作本故。如實相應。如如。如如。智本願力故。具三十二相。八十種好。項背圓光。是名應身。云何法身。爲除煩惱等障。爲具諸善法故。唯有如如。如如。智。是名法身。前二種身。是假名。有後第三身。是眞實有爲。前二身而作根本。何以故。離法如如。離無分別智。

一切諸佛。無有別法。復次諸佛利益自他。自利益者。是法如如。利益他者。是如如智。復次法身三昧。智慧過一切相。不着於相。不可分別。非斷非常。是名中道。雖有分別。體無分別。雖有三數。而無三體。不增不減。猶如夢幻。亦無所執。亦無能執。法體如如。譬如有人。願欲得金。旣得礦已。銷鍊成金。隨意回轉。作諸鑲釧。雖有諸用。金性不改。場字函
第二卷

又瓔珞經云。五分法身。以識徃別。戒香攝身。定

香攝意。慧香攝亂。解脫攝倒見。知見攝無明。是

五分香瓔珞其身。志字函第二卷

四智唯識論云。一大圓鏡智。如大圓鏡。現衆色

像。二平等性智。觀一切法。悉皆平等。三妙觀察

智。善觀諸法無礙而轉。四成所作智。成本願力

所應作事。說轉八識而成四智。則字函第四卷

秘藏詮註云。佛轉八識而成四智者。用八爲大

圓照智。七爲平等性智。六爲妙觀察智。前五爲

成所作智。識唯分別。智能決斷。在字函第九卷

大乘莊嚴論序云。轉八識以成四智。東四智以

具三身。事字函第三卷

五眼度世。品經云。佛言。隨時開化。入於五道。而

淨五眼。一肉眼。處於世間。現四大身。因此開化

度脫衆生。二天眼。諸天在上。及在世間。未識至

道。示以三乘。三慧眼。其不能解智度。無極。皆開

化之。使入大慧。四法眼。其在徧身。不能恢泰。悉

開化之。解法身一。無去來今。平等三世。五佛眼。

其迷惑者。不識正真。陰蓋所覆。譬如睡眠。示以

四等四恩之行。布施持戒。忍辱精進。一心智慧。善權方便。進退隨宜。不失一切。令發正真道意。

遊字函
每六卷

金剛經偈。天眼通非礙。肉眼礙非通。法眼唯觀。俗慧眼直緣空。佛眼如千日。照異體還同。圓明法界內。無處不鑒容。

楞嚴經云。阿那律。見閻浮提。如觀掌中菴摩羅菓。諸菩薩等。見百千界十方如來。窮盡微塵。清淨國土。無所不瞩。衆生洞視。不過分寸。梁字函
第二卷

智度云。菩薩初發心時。以肉眼見苦衆生。心生慈愍。學諸禪定。修得五通。以天眼遍見六道。受種種身。益加哀憐。故求慧眼。以救濟之。得見衆生心相。種種不同。云何令彼得是實法。故求法眼引導。令入法中。後求佛眼。得一切智。成就佛法。名字函
第十卷

六通般若經云。一神境通。能起種種神變。震動十方。變一爲多。變多爲一。或隱或顯。迅速無礙。山崖墻壁。直過如空。凌虛往來。猶如飛鳥。地中

大藏一覽
卷八

出沒如出沒水。身出煙燄如燎高原。體注衆流如銷雪嶺。日月神德威勢難當。以手按摩光明隱蔽。轉身自在。二天耳通。過人天耳。能如實聞十方。各如苑伽沙界。情非情類。種種音聲。大小悉聞。無障無礙。三他心通。能如實知十方沙界。他有情類。心心所法。謂遍知他貪瞋癡等心。離貪瞋癡等心。乃至聚心散心。小心大心。寂靜不寂靜心。解脫不解脫心。皆如實知。四宿住隨念通。能如實念十方沙界。一切有情。一心十心。乃

至多百千心。若一日。若二日。至多百千年劫。如是時處。如是名姓。死此生彼。若廣若畧。若自若它。諸宿往事。皆能隨念。五天眼通。能如實見十方沙界。情非情類。種種色像。死時生時。妙色麤色。善趣惡趣。若勝若劣。復知隨業受生差別。或成就身語意惡行。誹毀賢聖。邪見因緣。身壞命終。當墮惡趣。或成就身語意妙行。讚美賢聖。正見因緣。身壞命終。當生善趣。六漏盡通。能如實知十方有情。若自若他。漏盡不盡。此通依止金

剛喻定。斷諸障習。方得圓滿。得不退轉。菩薩地時。於一切漏。不現前故。亦名爲盡。菩薩得漏盡通。不墮聲聞獨覺之地。唯趣無上菩提。金字函第四卷

○十八不共三智明。○十力四辯四無畏。十八不共法。○般若經云。一無有誤失。二無卒暴音。三無忘失念。四無不定心。五無種種想。六無不擇捨。七志欲無退。八精進無退。九憶念無退。十般若無退。十一解脫無退。十二智見無退。十三若智若見於過去世。無着無礙。十四若智

若見於現在世。無着無礙。十五若智若見於未來世。無着無礙。十六一切身業智爲前導。隨智而轉。十七一切語業智爲前導。隨智而轉。十八一切意業智爲前導。隨智而轉。此十八法唯佛獨不與二乘共

○爲字函
第一卷

三明。○法集經云。一天眼智明者。謂聲聞辟支菩薩諸佛。於天勝妙。得彼天眼。是名天眼智明。二宿命智明者。佛於三世境界。無有不知。不同二乘。是名宿命智明。三漏盡智明者。證見道時。

遠離四漏及煩惱習氣所謂欲漏有漏見漏無
明漏不同二乘所證是名漏盡智明。欲字函
第二卷
十力○般若云如來應正等覺於是處非處皆
如實知是第一力於諸有情三世異熟皆如實
知是第二力於諸世界種種差別皆如實知是
第三力世間種種勝解差別皆如實知是第四
力於諸有情諸根勝劣皆如實知是第五力於
遍趣行皆如實知是第六力於諸靜慮乃至染
靜安立差別皆如實知是第七力見諸有情生

死善惡皆如實知是第八力於諸有情無量劫
中諸宿任事皆如實知是第九力於諸漏盡證
真解脫所作已辦不受後有是第十力。毘字函
第九卷
四無礙辯○寶積經云一義無礙者於諸色義
無罣礙故云何色義謂第一義云何第一義謂
色不可得故成就如是第一義智名義無礙二
法無礙者於諸色法如實觀察如實了知三詞
無礙者謂於諸色以無礙智善巧言詞種種分
別四說無礙者謂於諸色隨衆生機開示演說

而於法界不作二相。香味觸法亦復如是。始字函第

卷四

四無所畏。○般若經云。一切智無畏。二漏盡無畏。三說障道無畏。四說苦盡道無畏。如是四種天人外道無能難其過失。為字函第一卷

○復徵成物以何心。○舉似阿難為勝樣。

宗鏡問以心為宗。理須究竟。約有情界。真妄似分。不可雷同。有濫圓覺。未審以何心為宗。答。三乘慕道。見有差殊。錯指妄心以為真實。二祖求

此妄心不得。初祖於是傳衣阿難。執此妄心。如來所以訶斥。如佛舉金臂語阿難言。汝今見不阿難言。見佛言。汝何所見。阿難言。我見如來舉光明拳。耀我心目。佛言。汝將誰見。阿難言。我將眼見。佛告阿難。汝今答我。我光明拳。耀汝心目。汝目可見。以何為心。當我拳耀阿難言。如來現今徵心所在。而我以心推窮尋逐。卽能推者。我將為心。佛咄阿難。此非汝心。阿難矍然避座起。白佛言。此非我心。當名何等。佛告阿難。此是前

塵虛妄想相惑汝真性由無始來認賊爲子失
汝元常故受輪轉阿難自佛故我出家承事諸
佛行諸難事皆用此心或退善根亦因此心若
此發明不是心者我乃無心同諸土木離此覺
知更無所有我實驚怖佛告阿難如來常說諸
法所生唯心所現一切因果世界微塵因心成
體乃至草葉咸有體性何況妙明心性而自無
體若汝執於所了知性必爲心者此心卽應離
諸一切色香味塵諸塵事業別有全性如汝今

聽我法因聲而有分別縱滅見聞覺知內守幽
閑猶爲法塵分別影事我非勅汝執爲非心但
汝於心微細揣摩若離前塵有分別性卽真汝
心若分別性離塵無體斯則前塵分別影事塵
非常任若變滅時此心則同龜毛兔角則汝法
身同於斷滅其誰修證無生法忍古釋云能推
者卽是妄心皆有緣慮之用亦得名心然不是
真心且妄心是真心上之影像故云汝身汝心
皆是妙明心中所現之物若執此影像爲真影

九藏一覽 卷八
像滅時。此心卽斷。故云。若執塵緣。卽同斷滅。以妄心攬塵成體。如鏡中之像。水上之波。迷水執波。波寧心滅。迷鏡執像。像滅心亡。心若滅時。卽成斷見。若知濕性不壞。鏡體常明。則波浪本空。影像元寂。故知諸佛境界。徧界徧空。凡夫身心。如影如像。若執末爲本。以妄爲真。生死現時。方驗不實。古聖云。見鑛不識金。入爐始知錯。問真妄二心。各以何義名心。以何爲體。以何爲相。答。真心。以靈知寂照爲心。不空無任爲體。實

相爲相。妄心。以六塵緣影爲心。無性爲體。攀緣思慮爲相。此緣慮覺了能知之妄心。而無自體。但是前塵隨境有無。境來卽生。境去卽滅。因境而起。全境是心。又因心照境。全心是境。各無自性。唯是因緣。故法句經云。燄光無水。但陽氣耳。陰中無色。但緣氣耳。以熱時炎氣。遠看似水。但從想生。唯陽氣耳。此虛妄色心。亦復如是。以自業爲因。父母外塵爲緣。和合似現色心。唯緣影爲自心相。故此能推之心。若無因緣。卽不生。

起。但從緣生。緣生之法。皆是無常。如鏡裏之形。無體而全。因外境似水中之月。不實而虛。現空輪。認此爲真。愚之甚矣。阿難因如來推破妄心。乃於五陰六入十二處十八界。一一微細窮詰。徹底唯空。皆無自性。既非因緣。自他和合而有。又非自然。無因而生。悉是意言識想分別。因茲豁悟妙明真心。廣大含容。徧一切處。見十方空。如觀手中所持葉物。一切世間諸所有物。皆卽菩提妙明元心。心精徧圓。含舉十方。反觀父母。

所生之身。猶彼十方虛空之中。吹一微塵。如存若亡。如湛巨海。流一浮漚。起滅無從。了然自知。獲本妙心。常住不滅。而說偈言。○妙湛總持不動尊。首楞嚴王世希有。消我億劫顛倒想。不歷僧祇獲法身。

祿字函
第三卷

○會融真妄本來同。○研究悟迷何得失。

問。若真心成佛。妄覺墮凡。則妄念違宗。真心順覺。斯乃真妄有二。體用分離。如何會通。圓融一旨。答。真妄無性。常契一原。豈有二心。而互相卽。

以性淨無染。妄不可得。如幻刀不能斫石。苦霧不能染空。爲不了一心之人。所以說卽。如台教問云。無明卽法性。無復無明。與誰相卽。答。如爲不識水人。指水是冰。指冰是水。但有名字。寧復有二物相卽耶。是知時節有異。融結隨緣。濕性常在。未常變動。乃至卽凡卽聖。亦復如是。凡聖但名一體無異。若凡夫執著此心。造輪回業。將菩提智。轉成煩惱。如大富盲兒。坐寶藏中。舉動窒礙。爲寶所傷。又二乘人。厭棄此心。求灰斷果。

將如來四德秘藏爲無常。五陰謂是賊虎。怕怖馳走。縛脫雖殊。取捨俱失。若諦了者。不起不滅。無得無生。了此妄心。念念無體。從何起執。念念自離。不須斷滅。尚不得一。何況二乎。後字函第六卷後卷

並同此函

問。悟既現前。迷何處去。答。三界無別法。但是一心作。一切境皆因動念。念若不生。境本無體。返窮動念。念亦空寂。卽知迷時無失。悟亦無得。以無任真心。不增減。故譬如演若達多。以鏡照面。

愛鏡中頭。嗔責已頭。不見。自怖狂走。忽然狂歇。頭非外來。縱未歇狂。亦何遺失。第七卷

○業如膠漆何成道。○我達真空可頓消。問衆生業果種子。現行積劫所熏。猶如膠漆。云何但了一心。頓斷成佛。答若執心境是實。人法不空。徒經萬劫修行。終不證於道果。若頓了無我。深達物虛。則能所俱消。有何不證。猶如微塵揚於猛吹。輕舸隨於迅流。只恐不信一心。自生艱阻。且如勇施菩薩。因犯姪欲。尚悟無生。性比

丘尼無心修行。亦證道果。何況信解佛法。諦了自心。而無尅證。或有疑云。豈不斷煩惱耶。解曰。但諦觀殺盜姪妄。從一心上起。當處便寂。何須更斷。是以但了一心。自然萬境如幻。何者。以一切法皆從心生。心既無形。法何有相。高城和尚詩云。說教本窮無相理。廣讀元來不識心。識取心了取境。識心了境。禪河淨。若能了境。便識心。萬法都如闍婆影。第八卷

○悉具法身何隱顯。○間有盲聾不見聞。

問諸佛法身。普徧衆生心。既同一心。云何有現不現。答云。常現無不現時。或於一塵頓現。無不具足。或於諸塵普現。無不周徧。一處頓現者。如來眼睫。文殊寶冠。彌勒閣中。普賢毛孔。淨名室裏。摩耶腹中。芥子針鋒。近塵遠刹。悉能普現。其唯一毗盧清淨法身之應用耳。此法身者。卽是心也。所以言若能諦觀心不二。方見毗盧清淨身。一念起惡心。法身亦隨現。一念善心生。法身亦隨現。乃至色處現。空處現。自在無礙。更莫遠

推諸佛。唯自一念空心。是摩訶衍論云。如來法身平等。自然徧一切處。但依衆生心現。衆生心者。猶如於鏡。鏡若有垢。色像不現。衆生心垢。法身不現。其猶日月麗天。盲者不視。雷霆震地。聾者不聞。道契則隣。不在身近。故福人出世。則琳琅現矣。薄福者出。則荆棘生焉。皆由自心有現不現。若了心性之人。悉皆平等顯現。第八卷

○速證菩提唯一念。○遠求佛道在三祇。問成佛之理。或云一念。或云三祇。未審定取何

文以印後學。答成佛之旨。非在時劫遲速之教。屬在權宜。故起信論明爲勇猛衆生。成佛在於一念爲懈怠者。得果須滿三祇。但形教迹之言。盡成方便。如楞嚴經云。如幻三摩提。彈指超無學。圓覺經云。知幻卽離。不作方便。離幻卽覺。亦無漸次。涅槃經云。屠兒廣額。日殺千羊。後發心已。佛言於賢劫中成佛。諸大菩薩及阿羅漢疑云。我等成佛於遠劫。廣額何故成佛在先。佛言欲早成者卽早。欲遠成者卽遠。若頓見性卽一

念成。故知利鈍不同。遲速在我。第七卷○又問。

卽心是佛。則諸佛何假三祇積德。方成。答爲復

學一乘實法。爲復趣五性權機。此論自證法門

非述化儀方便。且楞伽經說有四佛。一化佛。隨

報生佛。酬其往因。三智慧佛。本華嚴經十佛。正

覺顯照。四如如佛。理體無二。

四任持佛。隨順見五。涅槃佛。深入見六。法界佛。普至見七。心佛。安住見八。三昧佛。無量無。若依

依見九。本性佛。明了見十。隨樂佛。普授見。

五教。隨教不定。一小乘教。有二身佛。一法身二

大乘初教。有三身佛。一法身二應身三化身三終教。有四

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

大藏一覽 卷八

身佛。一理性身二法身四頓教。唯一身佛。實性佛

圓教。有十身佛。一衆生身二國土身三業報身

七如來身八智身又約心成佛小乘。以善心修

初教。以心性終教。以心性相頓教。以心本不圓

教。以心無若以如如佛。心佛。本性佛。誰人不

具。若以國土身。虛空身。何法不圓。則處處皆是

寶坊。丘陵誰立。念念咸成正覺。妄想何分。如盲

者不覩光明。非朝陽夕魄之過咎。似小果不聞

圓頓。豈佛心妙指之親踈。但以法弱由於根微

道廣在乎量大。如教華嚴成佛不離一念。則毗

目仙人執善財手。善財見身。往十方刹。無量佛

所。經微塵劫。乃至放手。善財見身。還在本處。豈

非本位不動。遠近之刹。歷然一念。靡移。延促之

時宛爾。第六卷

○三乘見佛何差別○異業逢渠字不同

問。無性理同。一時成佛。云何三乘見佛差別。答。

隨心感現。影像不同。自業差殊。非佛有異。觀一

水而俄分四等。皆自見差。共寶器而飯色不同。

大藏一覽 卷八

非他業變。如涅槃經云。十二因緣。下智觀。故得
聲聞菩提。中智觀。故得緣覺菩提。上智觀。故得
菩薩菩提。上上智觀。故得佛菩提。又華嚴經云。
譬如海水。潛流地中。有穿鑿者。無不得水。而彼
大海。不作分別。我出於水。佛智海水。亦復如是。
流入一切衆生心中。若諸衆生。修習法門。所得
智慧。而如來智平等無二。無有分別。但隨衆生
心行異故。所得智慧。各各不同。又偈云。譬如水
一味。因器有差別。佛福田亦然。衆生心故異。六卷

○因有發明稱見道。○不無唯證乃方知。
問。三寶如虛空相。非見聞之所及。教中云。何說
見道。又稱見佛。答。約本智發明。假稱名見。非眼
所觀。唯證乃知。若離斷常二邊。卽見自身清淨。
見身清淨。卽是見佛清淨。乃至見一切法。悉皆
清淨。無非是佛。無非是法。以自心性無生。順物
徧一切處故。若一微塵不是佛者。則成翳障。不
入普眼之門。唯墮能所之見。又假名論偈云。如
來法爲身。但應觀法性。法性非所見。然亦不能

知法性者。所謂空性。無生性。此卽諸佛第一義身。若見於此。名爲見佛。第七卷

○直了一心成道去。○奚須八相示修來。

問。直了此心是佛。更用八相成佛不答。若了此心。卽是天真佛。不說成與不成。若說成佛是助語。亦是增語。圓覺云。一切如來。妙圓覺心。本無菩提。及與涅槃。亦無成佛。及不成佛。無妄輪回。及非輪回。釋曰。本無菩提。及涅槃者。此是轉號之語。轉煩惱。故立菩提之號。轉生死。故得涅槃。

之名。煩惱性空。生死本寂。既無所轉之相。亦無能轉之名。無不成佛者。無妄輪回。亦無成佛者。無非輪回。唯妙圓覺心。更無所有。龐居士頌云。十方同聚會。箇箇學無爲。此是選佛場。心空及第歸。如是則自然。應念登科。隨處及第。何須受記。而待揚名者乎。又古德歌云。不坐禪。不持律。妙覺心珠白如日。當體虛玄一物無。阿誰承受。燃燈佛。第八卷涅槃經云。若言釋迦。從兜率天降神母胎。乃至八相成道。此是聲聞曲見。故爲劣。

解衆生母胎出現。第六卷

○圓覺妙心雖沒體○須知應物以成軀
問妙圓覺心。既無所有。云何教中說佛成正覺。
出現世間等事。答。一是機熟衆生。自心感現。二
是菩薩因地本願。然諸佛境界。廣大無邊。非情
識所知。唯見性能了。故知凡聖無際。心境一原。
真無性而卽相發明。相無體而因真建立。故云
法身無像。遇感成形。妙應無方。隨念垂跡。體無
生滅。不礙生滅。如非色約體。非不色約用。則法

報一際。體用無差。故云若以色聲取。是人行邪
道。若離色聲求。未免斷滅。見華嚴偈云。色身非
是佛。音聲亦復然。亦不離色聲。見佛神通力。若
論色聲。亦是自心。橫豎一切。不出心性。故。第八卷

○菩提雖不身心得○身心若斷菩提離

問菩提卽自身心者。云何教中說菩提。不可以
身心得。答菩提之道。卽心者。乃是自性清淨心。
湛然不動。蓋是正覺無相之真智。其道虛玄。妙
絕常境。聰者無以容其聰。智者無以運其知。辯

者無以措其言像者無以狀其儀以逃人不了。執色陰爲自身認能知爲自心。故經云身如草木無所覺知心如幻化虛妄不實所以除其執取之心。故云菩提者不可身心得也。菩提非是觸塵不可以身得。菩提非是法塵不可以心得。若就了人卽達陰身本空妄心無相以本空故法身常現以無相故真心不虧。如此發明五陰卽菩提離是無菩提不可以菩提而求菩提不可以菩提而得菩提。文殊云我不求菩提何以

故菩提卽我我卽菩提。故維摩經云菩提非所觀之境則無能緣之心。所觀境空卽實相菩提能緣心寂卽自性菩提。○又問佛言學我法者唯證乃知。今言菩提者不可以身心得無修無證則初發菩提心人如何趣向。答若能信悟菩提無相不可取無性不可修如是明達卽是真

證富字函
第二卷

○他身不離於自身○彼化宛然從我化

問卽卽自心成佛者還立他佛否若決定不立則

大藏一覽 卷八
無諸佛威神護念。便成斷見。答以自心性徧一切處故。若見他佛。卽是自佛。不壞自他之境。唯是一心。如天帝釋不修天業。宮殿何以隨身。輪王不作王因。七寶無由聚集。唯憑自善。外感勝緣。或有人念佛佛現。但彼佛非佛。非非佛而現於佛。何以故。以彼妄心。希望現故。是故彼佛非相。本無定相非非相。緣起諸相非有非無。不可量度也。但彼凡夫隨心而有。卽生現佛想。或一向謂彼心外有佛。不知自心和合而有。或一向謂心外無

佛。卽爲謗正法也。釋曰。何謂非相。本無定相者。以因心所現。外相無體。緣盡卽滅。何相之有。何謂非非相。緣起諸相者。旣稱無定。但隨緣現。幻相不無。若能不生分別。不執自他。內不執有。而取諸蘊。外不執無。而謗正法。則開眼合眼。舉足下足。非見非非見。爲真見佛矣。後字函第七卷

○影化爰從心感現。○原夫豈是彼來迎。問旣心外無佛。見佛是心。云何教中有說化佛來迎。生諸淨刹。答法身如來。本無生滅。從真起

化引接迷根以化卽真真應一際卽不來不去
隨應物心又化體卽真說無來去從真流化現
有往還卽不來相而來不見相而見也不來而
來似水月之頓呈不見而見猶行雲之忽現
問如上所說真體則湛然不動化相則不來而
來正是心外有他佛來迎云何證自心是佛答
乃是如來本願功德力故令彼有緣衆生修集
功德則自心感現佛身來迎不是諸佛實遣化
身而來接引但是有緣衆生時機正合能令自

心見佛來迎則佛心湛然常寂無有去來衆生
識心託佛本願功德勝力自心變化有來有去
如面鏡像似夢施爲鏡裏之形非內非外夢中
之質不有不無但是自心非關佛化是知淨業
純熟目覩佛身惡果將成心現地獄如福德之
者執礫成金業貧之人變金成礫礫非金而金
現金非礫而礫生金生但是心生礫現惟從心
現轉變是我金礫何從抱疑之徒可曉斯旨

後字

兩第
七卷

大藏一覽

卷八

三

九藏一覽 卷八
三三
○休迷不位生分別○但明凡聖體交叅
問成佛本理。但是一心。云何更立文殊普賢行
位之因。釋迦彌勒名號之果。乃至十方諸佛國
土神通變現種種法門答。此是無名位之名位。
無因果之因果。是心作因。是心成果。是心標名。
是心立位。初後皆心。因果同證。只爲根機莫等
所見不同。若以一法逗機。終不齊成解脫。須各
各示現。引佛歸心。雖開種種之名。皆是一心之
義。若違自心。取外佛相勝妙之境。則是顛倒。所

以華嚴經頌云。若以威德色種族。而見人中調
御師。是爲病眼顛倒。見彼不能知最勝法。云
何不見佛。一爲不識自心。二爲不明隱顯。何者
衆生之因。隱於本覺。諸佛之果。顯於法身。是故
因隱之本覺。乃果顯之法身。果能成。因期佛之
衆生。果顯之法身。乃因隱之本覺。因能辨果。則
衆生之佛。故云。凡聖交徹。理事相含矣。所云釋
迦牟尼者。釋迦此云能仁。牟尼此云寂默。能仁
者。卽心性無邊。含容一切。寂默者。卽心體本寂。

大藏一覽 卷八 三十三
動靜不干故彌勒者。此云慈氏。卽是一心真實之慈。以心不守自性。任物卷舒。應現無方。故彌陀者。此云無量壽。卽如理爲命。以一心真如。性無盡故。阿闍者。此云不動。卽一心妙性。湛然不動。妙覺位不能增。無明地不能滅。故稱不動。如三藏勒那云。徧入法界。禮者良由行者。想觀自己身心等法。從本以來。不在法界。諸佛身外。亦不在諸佛身內。亦不在我外。亦不在我內。自性平等。本無增減。今禮一佛。徧通諸佛。如一室中。

懸百千鏡。有人觀鏡。皆像現。佛身清淨。明逾彼鏡。迺相涉入。鏡無不照。影無不現。此則攝他爲他。入他爲別。一身旣爾。乃至一切法界。聖凡之身。亦復如是。如稱一阿彌陀佛名。禮召一切諸佛。無不周備。○華嚴云。一切處文殊者。文殊雖東來。而卽一切處。是以法界之身。不動之智。觸境斯了。六根三業。盡是文殊。實相體周。萬象森羅。無非般若。何有一處非文殊哉。雷字兩第四卷

○相好品

大藏一覽 卷八
三十二
○堂堂三十二妙相○赫赫八十種隨形
三十二相。○般若經云。如來足下有平滿相。猶
如奩底。地雖高下。隨足所踏。坦然等觸。是爲第
一。如來足下千輻輪文。輻轂衆相。無不圓滿。是
爲第二。如來手足。並皆柔軟。如觀羅綿。是爲第
三。如來兩足。一一指間。猶如雁王。鞞網交絡。文
同綺畫。是爲第四。如來手足。諸指圓滿。纖長可
愛。是爲第五。如來足跟。廣長圓滿。與跌相稱。是
爲第六。如來足跌。修高光滿。與跟相稱。是爲第

七。如來雙膺。漸次纖圓。如鹿王膺。是爲第八。如
來雙臂。平立摩膝。如象王鼻。是爲第九。如來陰
相。勢峯藏密。其猶龍馬。是爲第十。如來毛孔。各
一毛生。紺青宛轉。是爲第十一。如來髮毛。端皆
上摩。右旋宛轉。是爲第十二。如來身皮。細薄潤
滑。垢水不住。是爲第十三。如來身皮。金色晃耀。
諸寶莊嚴。是爲第十四。如來兩足。兩掌中。頸雙
肩。七處充滿。是爲第十五。如來肩項。圓滿殊妙。
是梯六。如來膊腋。悉皆充實。是梯七。如來容儀

大藏一覽 卷八 三十五
洪滿端直。是第十八。如來身相修廣端嚴。是第十九。如來體相量等圓滿。如諾瞿陀。是第二。如來額臙并身上半。威容廣大。如師子王。是二十一。如來常光面各一尋。是二十二。如來齒相四十齊平。淨密根深。白逾珂雪。是二十三。如來四牙鮮白鋒利。是二十四。如來常得味中上味。是二十五。如來舌相薄淨廣長。能覆面輪。至耳髮際。是二十六。如來梵音詞韻。和雅隨眾。多少無不等聞。是二十七。如來眼睫。猶若牛王紺青。

齊整。是二十八。如來眼睛紺青鮮白。紅環間飾。皎瞭分明。是二十九。如來面輪。其猶滿月。眉相皎淨。如天帝弓。是第三十。如來眉間。有白毫相。柔軟如綿。白逾珂雪。是第三十一。如來頂上。烏瑟賦沙。高顯周圓。猶如天蓋。是第三十二。毘字。出第九卷。

八十隨好。八又云。如來指爪。薄潤光淨。如花赤銅。是爲第一。如來手足。指圓纖長。節骨不現。是爲第二。如來手足。各等無差。指間玄密。是爲第三。如來手足。圓滿如意。色淨蓮花。是爲第四。如

來筋脉盤結堅固深隱不現是爲第五。如來兩
蹠俱隱不現是爲第六。如來行步直進淳審如
龍象王。是爲第七。如來行步威容齊肅。如師子
王。是爲第八。如來行步安平庠序不過不減猶
如牛王。是爲第九。如來行步進止儀雅。其猶鴉
王。是爲第十。如來回顧必皆右旋。如龍象王舉
身隨轉。是第十一。如來支節漸次臚圓妙善安
布。是第十二。如來骨節交結無隙。猶若龍盤。是
第十三。如來膝輪妙布。堅固圓滿清淨。是第

十四。如來身支潤滑光柔塵垢不着。是第十六
如來身容頓肅無畏。常不怯弱。是第十七。如來
身支堅固稠密。善相屬着。是第十八。如來身支
安定敦重。曾不掉動。是第十九。如來身相。猶若
仙王。端嚴離翳。是第二十。如來身有周匝圓光
恒自照耀。是二十一。如來腹形方正不現衆相
莊嚴。是二十二。如來臍深圓妙光澤。是二十三。
如來臍厚不窪不凸。是二十四。如來皮膚遠離
疥癬。歷點疣贅。是二十五。如來手掌充滿柔軟。

足下平安。是二十六。如來手文深長。明直潤澤。不斷。是二十七。如來唇色如頻婆果。上下相稱。是二十八。如來面門不長不短不大不小。如量莊嚴。是二十九。如來舌相軟薄廣長。如赤銅色。是第三十。如來發聲威震深遠。明朗清徹。是三十一。如來音韻美妙具足。如深谷響。是三十二。如來鼻高脩而且直。其孔不現。是三十三。如來諸齒方整齊白。是三十四。如來諸牙圓白光潔。漸次鋒利。是三十五。如來眼淨青白分明。是三

十六。如來眼相修廣。猶如青蓮花葉。是三十七。如來眼睫上下齊整。稠密不白。是三十八。如來雙眉長而不白。緻而細軟。是三十九。如來雙眉綺靡順次。緝琉璃色。是第四十。如來雙眉高顯光潤。形如初月。是四十一。如來耳厚廣大。修長輪埵成就。是四十二。如來兩耳綺麗齊平。是四十三。如來容儀能令見者無損無染。皆生愛敬。是四十四。如來額廣圓滿。正形相殊妙。是四十五。如來身分上下圓滿。如師子王。威嚴無對。

是四十六。如來頭髮修長紺青稠密不白。是四十七。如來頭髮香潔細軟潤澤旋轉。是四十八。如來頭髮齊整無亂。是四十九。如來頭髮堅固不斷。是第五十。如來頭髮光滑殊妙塵垢不着。是五十一。如來身分堅固充實逾那羅延。是五十二。如來身體長大端直。是五十三。如來諸竅清淨圓好。是五十四。如來身支勢力殊勝無與等者。是五十五。如來身相舉所樂觀常無厭足。是五十六。如來面輪脩廣得所皎潔光淨。如秋

滿月。是五十七。如來顏貌舒泰光顯含笑先言唯向不背。是五十八。如來面貌光澤熙怡遠離頰蹙。是五十九。如來身支清淨無垢常無臭穢。是第六十。如來毛孔常出如意微妙之香。是六十一。如來面門常出最上殊勝之香。是六十二。如來頭相周圍妙好。如末達那亦猶天蓋。是六十三。如來身毛紺青光淨。如孔雀項。是六十四。如來法音隨眾大小不增不減應理無著。是六十五。如來頂相無能見者。是六十六。如來手足

指約分明如赤銅色。是六十七。如來行時其足
去地。如四指量。而現印文。是六十八。如來自持
不待他衛身無傾動。亦不透遙。是六十九。如來
威德遠震一切。惡心見喜。恐怖見安。是第七十。
如來音聲不高不下。隨衆生意。和悅與言。是七
十一。如來能隨諸有情類。言音意樂。而爲說法。
是七十二。如來一音演說正法。隨類得解。是七
十三。如來說法。咸依次第。必有因緣。言無不善。
是七十四。如來等觀諸有情類。讚善毀惡。而無

愛憎。是七十五。如來所爲先觀後作。軌範具足。
是七十六。如來相好無能觀盡。是七十七。如來
頂骨堅實圓滿。是七十八。如來顏容常少不老。
是七十九。如來手足及胷臆前。吉祥德相。是第

八十。

崑字函
第十卷

華嚴圓教云。毗盧遮那如來相海舉及九十七
種。乃至十華藏世界海微塵數大人相。一一身
分衆寶妙相。以爲莊嚴。

文繁不錄出有
字函第八卷

○佛佛莊嚴諸相好○頭頭皆對夙因招

寶女經問如來所得三十二相。何業成就。佛答。
如來持淨戒。故得足下平滿相。修施業。故得千
輻輪相。不欺諸衆生。故得足跟臍相。護正法。故
得指纖長相。不壞他衆。故得網縵相。妙服奉施。
故得手足軟相。淨飲食。故得七處滿相。喜聞
佛法。故得鹿王臚相。覆藏他過。故得陰藏相。修
善法。故得上身如師子王相。善法化衆生。故得
缺骨平滿相。救護怖畏。故得臂肘臍相。見他事
業樂佐助。故得手摩膝相。常修十善。故得清淨

身相。常施病藥。故所食之物至喉。悉現相。常發
莊嚴修善法。故得師子頰相。於諸衆生心平等
故得四十齒相。和合諍訟。故得齒密相。珍寶施
故得齒齊相。身口意淨。故得二牙白相。護口四
過。故得廣長舌相。成就無量功德。故得味中上
味相。於衆生中常軟語。故得梵音相。修習慈心
故得紺色目相。至心求善提。故得牛王睫相。讚
他功德。故得白毫相。恭敬父母師長和尚。故得
肉髻相。樂說深法。故得身柔軟相。施敷具。故得

金光相遠離聚說世間事故得一一孔一毛生相愛受善友師長教勅故得身毛上靡相不以惡事加衆生故得髮色金精相常觀衆生修三昧故得身圓滿如尼拘陀相生生之處作佛像故得那羅延力相

位字函
第六卷

○足輪屨處虫皆化○身影遮時鴿離驚

要集云佛金剛身若行之時其足離地四寸千輻輪相紋跡現於地面足下諸虫七日安隱命終生天

張字函
第三卷

婆沙論云佛與舍利子經行時有一鳥爲鷹所逐驚怖便趣舍利子影怖猶不止舉身戰慄復趣佛影身心坦然時舍利子白佛如何鳥至我影猶有恐懼纔入佛影身心無怖世尊告曰汝六十劫修不害意我於三大無數劫中修不害意汝有害習我已永斷

張字函
第三卷

○妙音妙相誠難遇○纔覩纔聞益不輕

華嚴經云如來一切饒益衆生若有得見如來色身眼得清淨若有得聞如來名號耳得清淨

大藏一覽
三三
若有得歟如來戒香鼻得清淨若有得嘗如來
法味舌得清淨具廣長舌解語言法若有得觸
如來光者身得清淨究竟獲得無上法身若於
如來生憶念者則得念佛三昧清淨若有供養
如來所經土地及塔廟者亦具善根滅諸煩惱
得賢聖樂設有衆生見聞於佛業障纏覆不生
信樂亦種善根無空過者乃至究竟入於涅槃
真機如實談無相俗諦權宜舉色身○金剛偈

黎字函
第二卷

云如來舉身相爲順世間情恐人生斷見權且
立虛名假言三十二八十也空聲有身非覺體
無相乃真形。智度論問曰諸佛皆無相相今
何以故說三十二相。答曰佛法二諦。一者世諦。
故說三十二相。二者第一義諦。故說無相。又二
種道。一者令衆生修福道。故說三十二相。二者
慧道。故說無相爲生身。故說三十二相爲法身。
故說無相。佛身以三十二相莊嚴。法身以十力。
四無畏。四無礙。十八不共。諸功德莊嚴。又有二

種衆生。一者知諸法假名衆生。爲說三十二相。

二者着名字衆生。爲說無相。建字函第九卷

○吾佛元從心上證。○時人切忌相邊求。

宗鏡云。昔釋迦在於僧中。演無上道。與僧不異。維摩在俗。說解脫果。與俗不殊。勝鬘女人說大乘法。女相不改。善星比丘。行闍提行。僧相不移。此乃正據其心。內解與不解。以爲差隔。何關色身男女相貌。衣服好醜。若言形隨證改。貌逐悟遷。是聖者則瞿曇形改。方成釋迦。維摩相遷。乃

爲金粟。卽知證是心證。非是形遷。悟是智變。非開相異。如世間有官之人。官雖改遷。貌豈有別。故知萬事無不由心。但證自心。言下成聖。若不識道。具相奚爲。故金剛經云。若以三十二相見如來者。轉輪聖王。則是如來。古人云。若不達此理。縱然步步腳踏蓮花。亦同魔作。後字函第五卷

神足品

○神力無礙十般通。○妙用縱橫十八變。
華嚴經云。十種神力無礙用。何等爲十。所謂以

不可說世界。置一塵中。無礙用。於一塵中。現等法界。一切佛刹。無礙用。以一切大海水。置一毛孔。周旋往返十方世界。而於衆生無所觸燒。無礙用。以不可說世界內自身中。示現一切神通所作無礙用。以一毛繫不可數金剛圍山。持以遊行一切世界。不令衆生恐怖。心無礙用。以不可說劫作一劫。一劫作不可說劫。於中示現成壞差別。不令衆生心有恐怖。無礙用。一切世界。現水火風災。種種變壞。而不惱衆生。無礙用。

一切世界三災壞時。悉能護持一切衆生。資生之具。不令損缺。無礙用。以一手持不思議世界。擲不可說世界之外。不令衆生有驚怖想。無礙用。說一切刹。同於虛空。令諸衆生。悉得悟解。無礙用。

礙用。

黎守函
第六卷

瑜伽云。十八變。一者震動。謂能普動一切世界。二者熾然。謂從身上發燄。身下注水。三者流布。謂流光遍照。四者示現。謂隨所欲。示彼佛土惡趣。五者轉變。謂於其地起水勝解。卽令成水。火

風勝解亦復如是。六者往來。謂隨所樂。於山石中往來無礙。七者卷。八者舒。謂能舒卷雪山王等。九者衆像入身。謂能以現前大衆。一切大地內已身中。十者同類往趣。謂能往彼同其色類十一者隱。十二者顯。十三所作自在。謂能往來去任。皆無所礙。十四制他神通。謂他現通。悉能制伏。十五能施辯才。謂能與諸有情辯才。十六能施憶念。謂諸有情於法失念。能與憶念。十七能施安樂。謂說法時。令彼聽者身心安樂。十八

放光謂身放光明。作諸佛事。因字兩第七卷

○威稜但化下中機。○實相應投向上者

宗鏡問。若不具神變。將何攝化。答。若純取事相通。有遠真趣。如輔行記云。修三昧者。忽發神通。須急棄之。有漏之法。虛妄故也。故止觀云。能障般若者。何者。種智般若。若自具諸法。能泯諸相。未具以來。但安於理。何須事通。若專於通。是則障理。又不唯障理。反受其殃。如鬱頭勝意之徒。卽斯類矣。夫真神變者。無非演一乘門。談無生理。

大藏一覽 卷八 三十一

大藏一覽 卷八
三十一
一言契道。當生死而證涅槃。目擊明宗。卽塵勞而成正覺。刹那而華。凡爲聖。須臾而變有歸空。以此作用。豈非神變耶。維摩經云。以神通慧。化愚癡衆生。若上上根人。只令觀身實相。觀佛亦然。如彭城王問諸大德。與我左腋出水。右腋出火。飛騰虛空。放光動地。我卽禮汝爲師。牛頭融大師答云。今若責我如此證果者。恐與道乖。審如是成佛者。幻師亦得作佛。不唯幻師作佛。天魔外道。妖狐精魅。鬼神龍蜃。皆成佛道。後字兩第五卷

○祇知變化謂神通○那識作爲皆妙用

又問博地凡夫。位齊諸佛者。云何不具諸佛神通作用。答非是不具。但衆生不知。故華嚴宗云。佛證衆生之體。用衆生之用。所以誌公歌云。任縱橫。絕忌諱。長在人間不居世。運用不離聲色中。歷劫何曾暫拋棄。又學人問大安和尚。如何是諸佛神通。師云。汝從何處來。對曰。江西來。師云。莫是謾語不。對云。終不謬言。學人再問。如何是神通。師云。果然妄語。斯皆可驗。並是現前日

用不知。豈可更論具不具耶。龐居士偈云。世人
多重金。我愛刹那靜。金多亂人心。靜見真如性。
心通法亦通。十八斷行蹤。但自心無礙。何愁神
不通。如是解者。自然成辦一切佛事。同上卷

○十號品

○仰惟獨尊十號足。○何異一金千器分。

菩薩善戒經云。如來具足十種名號。所謂如來
應供。正遍知。明行足。善逝。世間解。無上士。調御
丈夫。天人師。佛世尊。無虛妄。故爲如來。良福田。